


ICISHIBILO

 Ukubelenga kwa Cebo. Mukwisalila kwa kulongana, umulandu Nji pushishe imwe ukwimininako. . . Lintu bena balisha *The Star-Spangled Banner*, mulemininako. Tamucita ifyo? [Ulukuta lwatiila, “Ee.”—Kale.] Nomba mulandu nshi ku Cebo cakwa Lesa? Cena mucinshi. Nomba ukwisula mwi Buuku lya Kufuma, chapitala 12, ukutampa pa versi 12 na 13, Ndefwaya ukubelenga icipandwa mu Malembo, ama versi 12 na 13.

Pantu Nde pita mu calo ca Egypto munshita ino iyabushiku, kabili nde puma. . . amabeli mu calo ca—ca Egypto, bonse umuntu ne finama; kabili. . . nde cita ubupingushi: Nine SHIKULU.

Kabili umulopa uuli nokuba kuli imwe nge cishibilo pa ng’anda apo muli; kabili lintu Na mona umulopa, Ndepitilila pali imwe, kabili ne cikuko tacili no kuba pali imwe kuku myonaula, lintu Nde puma icalo ca Egypto.

2 Isambililo lyandi lili pa: *Icishibilo*.

3 Leken i tukontamike imitwe yesu nomba. Kabili mukuba tondolo Kwakwe muli ino nshita ya mushilo, ilyo tatula palamina kuli Ena mwi pepo, bushe kuliko icakwipusha ico imwe mulefwaya Lesa ukwasuka muno cungulo kasuba? Imyenikofye amaboko yenu nga kuti mwacita, kabili tontonkanyeni mukati ka mutima wenu ico mulefwaya Ena ukuti acite. Apali ponse muno mucikulwa, tontonkanyenifye ico eco mulefwaya Ena ukuti acite.

4 Mwe Taata wesu mweba mu Myuulu, Imwe muli Lesa uushicinja, kabili twapepa ukutila Mwalaasuka ama pepo yesu, muno cungulo kasuba, li—lintu twaikatana amaboko yesu. Kabili Imwe na mumona ukuti amaboko yandi nayema pa muulu, pamo. Kabili ne cakwipusha candi, Nde cibika ukwishibikwa pa mbilibili, ico cili, Shikulu, ukuti Mwa laundapa umuntu onse muno ileelo, pususheni onse uwa luba. Nomba, Mwatiila, “Ngacakuti imwe mwaipusha Taata icintu conse, mwi Shina Lyandi, Ine ndi nokucita ico.” Nomba, Shikulu, twafwilisheni capamo uku cetekela nge bumba limo ilya bantu, ilya bana abacetekela. Landeni ukupitila mu Cebo Cenu, Shikulu. i Cebo Cenu e Cine. Paleni imitima yesu.

5 Twa Mutotela pali uno musonkano. Twa Mutotela pali Munyina Grant, napa babomfi bakwe bonse, kabili nama chalichi yonse na bantu. Kabili napali fyonse eflyo Mwatucitila, Shikulu, tuletotela kuli Imwe. Taata, limbi kuti kwaba abengi pakati kesu pano abo ebo tatwakakumane nabo nakabili, mpaka tukamonane nabo kulya kwishilya. Limbi kuno kuti kwaba

ekulongana nabo ukwa kushalikisha uko twalaikala nabo pano pe sonde. Leken i Mupashi wa Mushilo ese no kutupaala capamo, pyungeni kuku kabila kwesu. Mwi Shina lyakwa Yesu twapepa. Amen i.

Kuti mwaikalako.

⁶ Ninkwata ipepala ilinono pano, Apo nembele Amalemb o yamo no tuntu utunono. Ine Naleibukisha mu mano yandi, lelo elyo fye Nacilile pa myaka amakumi yabili-naisano, namwishiba, ifyo e fyo cili, umuku wa cibili. Kabili nomba Nshileibukisha ngafintu Naleibukisha, kabili abengi balacenwa mu misonkano ne fintu, kabili ne fingi ifya kucita.

⁷ Isambililo lyesu muno cungulo lili pa: *Icishibilo*. Icilecitika cesu ciletampila mu Egypto. Cena cikope icikalamba pano nomba, Ndefwaya imwe bonse ukucimona kabili nokubafye aba mucinshi ngafintu mwingaba. Egypto encende ya cilecitika, kabili ne nshita ya cilecitika cilifye pa kutampa kwa kufuma.

⁸ Kabili, nomba, cena cakupashanya ica leelo, ukulangwa, pamo ngefyo naifwe tulelolenkana no kufuma kumbi. Lesa ukufumya Israeli mu Egypto, ukumutwala ku calo cabulayo, cili icakupashanya Kristu ukufumya Nabwinga ukumufumya mu chalichi, ukumutwala ku Calo ca bulayo. Ifwe tuli mukufuma kumbi. Nomba nga kuti mwabelenga Amalemb o, tukwete inshita iya kuma pa fikomo fya ico, ico cacine. Ifwe tuli. . . Nga fintu Lesa afumishe icalo ukucifumya mu calo, Lesa aali nokufumya Nabwinga ukufuma mu chalichi. Nabwinga aali no kwitwa ukufuma muma chalichi yonse. Cena cikaba abasalwa na Lesa, ebo akafumya. Kabili tuli mupepi na kulya ukufuma pali ino nshita, pantu natukwata icakushininkisha camu Malemb o conse ico twimininepo palya. Nomba Ni njishiba ico calilandwapo imiku iingi, lelo, we cibusa wandi, inshita imo cena cikalandwapo umuku wakushalikisha. Inshita ikapwila mu Muyayaya lyena. Ena aleisa mukusenda Nabwinga ukumufumya mu chalichi.

⁹ Icishibilo ecintu capangilepo ubulekano pakati kakwa Egypto na Israeli, ifyalo fibili. Bonse baali bantunse, lelo bonse bapangilwe-na Lesa, yonse imilimo yamaboko yakwa Lesa, lelo, ubupusano lintu ukukandwa kwa mfwa kwa pitile, ubupusano pakati ka mweo ne mfwa caali cishibilo.

¹⁰ Kabili eico e fyo cikaba pa kwisa kwa Mwana wakwa Lesa, lintu Ena akaleta Nabwinga ukufumya mu chalichi, ubupusano bukaba Cishibilo. Nomba, imwe mukutikishe pepipepi muno cungulo kasuba, kabili mumone nga cakuti ico te cine. Icishibilo ecikaba ubupusano. Pafwile pabapo ubupusano.

¹¹ Lesa aali nokupingula isonde, ubushiku bumo. Nga cakuti Naipwishe abantu ba Katolika, nibani akapingula Ena, cinshi ico Aka pingwilako isonde naco? Bena kuti batiila, “ne chalichi.” Chalichi nshi? “Chalichi yaba Katolika.” Chalichi

nshi iyaba Katolika, pantu kwaba ayengi? Ba Methodisti kuti batiila, “ukupitila muli ba Methodisti,” ba Baptisti ninshi bena bafuma muli ico. Nomba, nga cakuti mwapingula cena ukupitila mu chalichi caba Baptisti, bonse abashele bena ninshi bafuma. Ba Pentecosti batiila, “ukupitila muli ba Pentecosti,” ninshi abashalako kuli bena bafuma. Mwamona, cena cikaba cimfulunganya, icimfulunganya icikalamba, icakufulunganya apakalamba amano, ukutontonkanya palwa cintu caba ngefyo.

¹² Lelo Lesa aali kwete inshila pano iyo Ena atiile Ena aali nokupingwilako isonde, te kupitila mu chalichi caba Katolika, te mu chalichi caba protestanti. Lelo Ena aali no kupingula isonde na Yesu Kristu, kabili Yesu e Cebo, eico apo cabwelela cena babwelela kuli Baibele nakabili. Mwamona? Ena aali nokupingula isonde na Baibele. Kabili Baibele e Buuku lyakwa Lesa ilya bupingushi, ico icaba ubusokololo bwa pwililika ubwakwa Yesu Kristu, ukutila takufwile kwaba icingalundwako nangu icintu conse ukufumyako kuli Cena; ukukandwa kukafuma mukucita ico, lishina lyobe ukufumya mwi Buuku lya Mweo. Wikalefye uwalungama mwi Buuku, kabili upepe kuli Lesa ukutulenga ukuba ulubali lwa Cilya.

¹³ Nomba twasanga ukuti, icishibilo, icishibilo ni cinshi? Icishibilo cakulangisha umutengo uulipilwe, efyo icishibilo caba. Pamofye nge misebo ya nyanji neya ba sacha, tulasenda indalama shesu nokuya mu ncende umwakuninina. Nomba, mwamona, imisebo yaba sacha tayasuminisha, muncende umo ifishibilo fibomfeshiwa, taba suminisha ukusenda ulupiya. Bena teti basende ulupiya, cena cisenda icishibilo; tutiile, indeke, nafimbipo. Iwe ngawaya ku ncende imo, petebulo lyakushitilapo, nokushita, ukufuma mu lupiya lobe, ifishibilo ifingi nganshi, ici icishibilo cimo. Kabili ici icishibilo cakulangisha ukutila naulipila ulwakwendela. Iwe naukwata insambu ishakunina ishitima lya pamenshi, ukunina indeke, ukunina sacha, nangu conse ico cingaba, apofye iwe na wikata icishibilo ukulangisha ukuti ubobe—ukuti ubulendo bobo nabulipilwa. Nomba ibukisha ukuti. Taufwile ukulaba cena.

¹⁴ Impaanga iyaipaiwe iyakwa Israeli yaali...caali ico Lesa alefwaya. Yehovah alefwaya impaanga iya ipaiwa, icakupyanishishapo ica kaele. Ngafintu twapitilemo mu mulungu upwile pali nomba, ukutila Lesa, lintu apanga Ena ubusalo, Ena tacinja ico. Kabili Apangile inshila, icintu Cakwe icakubalilapo ico Ena acitile lintu umuntu aponene, Alingile ukumupangila inshila yakubwelelamo, Ena alefwaya ubulubulo, kabili Ena apangile ubusalo bwakuti Ena kupususha umuntu no Mulopa wa muntu Umo uwakaele. Kabili mu nshita shonse Ena acitafye icintu cimo cine. Ena tatala acinjapo ico. Tapali incende imbi iyo Lesa aali noku kumanishishapo kapepa, kanofye pe samba lya Mulopa. Iyo e ncende Yakwe epela.

¹⁵ Tulesha ukuti ampame Ena pe samba lyafya mipepele yesu, pesamba lya cilonganino cesu, pesamba lya butantiko bwa fya masambililo yesu. Bamo balikuula impungu ishitali nabambi balikuula imisumba, Babiloni no—no lupungu lwa Babele, kabili ne fintu fya misango yapusana pusana. Lelo cena caba, Lesa epela akumanishisha kapepa wa cine pe samba lya Mulopa. Ena tacinja ico. Bonse teti tube ba Methodist, teti tube bonse ba Pentecosti, bonse teti tube *ici, cilya*, nangu *cimbi*, tatuli nokusuminishanya. Lelo lintu Naisa ku muntu, lekeni ena abe Katolika shimapepo nangu conse ena engaba, lintu ena aali pesamba lya ulya Mulopa ifwe tuli ba munyina, nshile sakamana apo ena aali, nga cakuti ena aali pesamba lya ulya Mulopa.

¹⁶ Nomba, impaanga yakwa Israeli iyaipaiwe ecaali icakabilwe kuli Yehovah, kabili umulopa ecaali icishibilo icakutula incito naibpmbwa. Lesa alefwaya pa bulubulo, ukufuma ku Egypto, ukuya ku calo ca bulayo, Ena alefwaya inama iyaipaiwa. Kabili iyo nama yaali no... Umulopa wa nama iyafwa waali nokubikwa pa cipampa na pa mwinshi, kabili ico caiminineko icishibilo ico ecintu ico Yehovah alefwaya ukutula cifikilishiwe. Mwamona? Nomba, te mpaanga yaali icishibilo, umulopa ewaali icishibilo. Nomba, umweo waali fuminemo mwi lambo, kabili nomba umulopa ewaali icishibilo. Ifipope Fyakwe fyalisendelwe. Umulopa waiminineko icishibilo, icakumwenako ukuti uyu uwacetekela nacita bwino bwino ico icakukabila ifyo caali. Ico caali cishibilo. Nacilungama, ukumona uwacetekela, alepepa, ico nomba caali ukwishibikilwa pamo ne lambo lyakwe. Mwamona?

¹⁷ *Ino* e ng'anda, kabili kapepa, icalefwaikwa ni cinshi? "Ipayeni impaanga. Pabushiku ubwalenga ikumi limo nashiine panuma yasungilwe, i—i lume iyabula icibaala, Israeli onse akaipaye yena, kabili no mulopa ukasendwe pamo na hyssopo nokubika pa fimpampa fya pa mwinshi."

¹⁸ Kabili, mukulondolola, ulya hyssopo waali uwaishibikwa ifimena. *Hyssopo* cipilibula "icicetekelo cenu." Umuntu umo alesha ukukwata icicetekelo camaka ayacilamo, uyo emulandu mupushila ubundapishi bwenu. Icacetekelo cintu cimo icaseka. Ulakwata icicetekelo pakwisa ku chalichi. Ulakwata icicetekelo ukwenda ukuya kulya. Ulakwata icicetekelo ukulisha motoka yobe. Ulakwata icicetekelo ukulya icakulya ca cingulo bushiku cobe. Uyo emusango cabelamo ico, icicetekelo icasekafye. Nomba pakubika umulopa, walebikwa pamo na hyssopo, ico icabafye ifimena ifyaishibikwa ifyo ifikula konse mu Palestine, ukulangisha ukuti icicetekelo ico umulopa waali nokubomba pamo te maka yamo ayacilapo yantu iwe wakata ukukwata imitundu yonse iya digri wa bu dokota pakucita ico. Cena cintu casekafye, icicetekelo cacila bushiku, ukucetekela Lesa. Mwamona? "Ukubikapo umulopa," ukupitila mu cicetekelo, "pamo no hyssopo."

¹⁹ Nomba, kapepa, lintu amona aali pesamba lya uyu mulopa, calelangisha ukuti ena aali konkele ifyo Yehovah aipwishe, kabili ena ale ishibikwa. Icishibilo calelangisha ukuti ena aali uwaishibikwa pamo ne mpaanga iyo Yehovah alefwaya. Incito yaali bombeke. We cakupashanya ca pwililika ileelo, icakwa Kristu no wa cetekela. Lintu Icishibilo calangwa ku wa cetekela, nomba Cena calangisha ukuti cena cili icapokelelwa kabili no mulimo naucitwa.

²⁰ Nomba, umulopa waali cishibilo cakwi shibikilwako, umulopa pawa luko. Inama yalesuma, yafwa, kabili no mulopa walebikwa pacibumba. Nomba, ubumi bwa bwikashi bwa nama, ubwali mulopa. Kabili umweo waba mulopa, twalishiba ico. Baibele efyo yalanda ifyo, kabili na scienci yaali shininkisha ico, umweo waba mu mulopa. Eico caba ukuti lintu inama yaipaiwa, no mweo ulonaulwa ukufuma mu nama, umulopa eufwile waba ifintu fya kuba mulopa, ukwimininako icishibilo. Pantu, umweo uyo uwaali mu mulopa tekuti ubwelele pawa cetekela, pantu wena waali mweo wa nama.

²¹ Kabili umweo wa nama no wa muntunse waali ba mukupwililika uwa pusana. Tamwaba, nangu cimo muli wena nakalya. Imwe mwabula, mwasenda umulopa wa wanama noku ubika muli iwe, iwe uuli nokufwa. Eico mwamona, ifwe, wena—wena mweo uwa pusanako mu mulopa wa nama ukucila pafyo caba mu mulopa wa muntu, pantu umuntu aali kwata umweo. Inama tayakwata umweo.

²² Kabili nomba, eico caba ukuti, umulopa palwa uko, kutikeni nomba, ifya kashika ifyaba mu mulopa, fya moneka palya mwinshi, ngecishibilo ica kutila impanga yalifwile, nomba, pantu umweo wa mpaanga tekuti ubwele pa muntu kapepa. Lelo ileelo . . . Cena caalifye icakupashanya epela.

²³ Ileelo wena te Mulopa wabamo ifintu uwakwa Shikulu Yesu, i Mpaanga yesu, lelo wena Mweo uwaali mu Mulopa, uyo uuli ni Mupashi wa Mushilo. Wena wabwela kabili waba Icishibilo ico twapokelela kabili nokucita bwino bwino fye ico Lesa atwebele ifwe ukucita. Kabili nomba, mukukwata Icishibilo, ifwe twishibikilwa pamo ne Lambo lyesu. Mukupwililika. Nshi lemona ifyo icintu conse ukucilapo cingaba icalangwa ukucilapo. Mwamona?

²⁴ Inshila imo umuntu onse engalandilamo ukuti ukuti ing'anda yaali, nayo, pesamba lya mulopa, nimukumona ifintu fya mu mulopa fili pa mwinshi. Ba pitilile ukuya, Malaika wa mfwa alelolesha nokumona umulopa. Nomba, nakabili, cena caali icakupashanya ca Mupashi wa Mushilo.

²⁵ Nomba, mwamona, u Mulopa unono uwakwa Yesu tawali no kukumana pali ifwe bonse, pantu Ena akwetefye u Mulopa uwalinga mu mubili Wakwe. Kabili walisumine, ukufuma mu mubili Wakwe, ukuponena mu mushili, imyaka amakana

yabili ayapitapo; lelo tawali nokuba uwa Cishibilo. U Mweo, u Mweo uwaali mu Mulopa, ewaali i Cishibilo nomba. Na lashininkisha ico kuli imwe mukashitafye akanono, muli Baibele. Cena Cishibilo ecifwile ukwisa paali cila umo pakati kesu, ukulangisha ukutula ifwe twaishibikwa pamo ne Lambo lyesu, kabili twalikonka icakwipusha cakwa Yehovah.

²⁶ Petelo atiile, pa Bushiku bwa Pentecosti, “Lapileni, cila umo paali imwe, no kubatishiwa mwi Shina lyakwa Yesu Kristu mukwelelwa kwa lubembu, kabili muli nokupokelela ica bupe ca Mupashi wa Mushilo. Pantu ubulayo buuli kuli imwe, nakubana benu, kabili nakuli bena abaali ukutali, na bengi abo Shikulu Lesa wesu aali nokwita.” Mwamona, tacilelangisha ico kuli benafye. “Nabo abengi abo Shikulu aali nokwita.”

²⁷ Apo epo abengi batontonkanya ukuti bena balitwa. Lelo bonse “Shikulu” aleta! “Bonse abo Ena aishibile libela, Ena aitile; bonse abo Ena aitile, Ena abalungamike; bonse abo Ena alungamike, Ena aba katamike,” akalefye icintu calipwa.

²⁸ Kabili lintu wa buula umuntu uyo ushacetekela ukuti Mupashi wa Mushilo ewa muno bushiku, moneni ifyo bena balecita? Bena balekana Icishibilo ico icili cilya icakumwenako cenu imwe uku mikumbikanya pamo ne Lambo lyenu. Mwamona ico Ndepilibula? Cena cintu caanguka nganshi nga cakuti mwa lolesha fye paali cena mu—mu nshila iyo Lesa acilembelamo nomba. U Mulopa ewa tusendele kabili twali. . . cilelangisha ica—ica ku mwenako ica Mupashi wa Mushilo, ico e Mweo.

²⁹ Nomba, ubumi bwa nama tekuti bwingile mu muntu, pantu teti filingane, ubumi bwa nama tabwakwata umweo muli bwena. Ubumi bwa muntu bwalikwata umweo. Inama taishiba ukuti iili ubwamba. Tayashiba icilungeme ne cilubo. Yena, yena ya. . . Yena yakwata u—u mupashi, lelo te mweo. Nomba ibukisheni, nomba, umweo emibele ya mupashi, ifyo fine.

³⁰ Nomba moneni, lelo ilyo lintu u Mweo we Lambo lyesu, Yesu Kristu, ilyo u Mulopa Wakwe wa iitike. Ena aali ni Lesa, uwasungilwe mu Muntu umo. Nomba, Ena afumine mukuba Yehovah, ukuti eshibikwe pa Lwakwe ngo muntunse, ukuti aibulile Umwine eka imibele ya muntu, ukuti twingeshibikwa ifwe pamo na Ena. Ena aali i Mpaanga yakwa Lesa. Kabili mulya mukati Kakwe, emo u Mulopa. . .

³¹ Nomba Ninjishiba umuntu umo atiila, “Ena aali mulopa waci Yuda.” Iwe walyumfwa aba Yuda balanda ifyo. Ena te mulopa waci Yuda, nangu Ena ukuba umulopa wa Bena fyalo. Ena aali Mulopa wakwa Lesa. Ena taali nangu umu Yuda. . . Ena taali nangu umu Yuda nangula umwina Fyalo. Aali ni Lesa. “Na—na—na cisungu akemita.”

³² Nomba, Ninjishiba imwe mwebengi kabili naba Protestanti mutontonkanya ukuti iilini lyali lyakwa Maria. Kabili no—no mulopa wakashika uyo ufuma, ubumi bwisa nokwingila

mwi totofwa lya mulopa. Pantu, inkoko ikota kuti yabikila iilini, ukwabula mukolwe, lyena tekuti litotwe, pantu lyena talyapya. Umweo ufuma mu mulonga wa mulopa, uyo ufuma mukukumanya mukolwe. Lelo muli uyu mulandu takwali ukulala no mwaume, eico, “ubumi mu mulopa,” bwena bwafumine kuli Lesa eka, kabili Apangile itotofwa lya Mulopa mwifumo lyakwa Maria. Lesa pa Lwakwe, Kabumba pa Lwakwe eka, apangile itotofwa lya Mulopa. Nomba lolesheni. Bena batiila, “Cisuma, cali mubili. Maria aalikwete iilini.” Iyo, mukwai. Ena taali ifyo; tamwali iilini. Nga cakuti lyali liini, imwe tekuti mu mufumye amenshi yabufyashi ukwabuula ukukwesana. Kabili nga cakuti Ena, aali kwete ukukwesana, ninshi cinshi ico mulemona Lesa acitile?

³³ Apangile fyonse fibili iilini no Mulopa. Ifyo efyo bwino bwino fye Ena aali. “Ifwe twalikete Lesa,” Baibele efyo yalanda. Timote wa Cimo 3:16 itila, “Ukwabula ukupashanya cikalamba icankama ica bulesa: Lesa asokolokele mu mubili. Twali mwikete Ena na maboko yesu.” Ulya mubili waali ni Lesa. Icine cine, wena waali. Ena aali ni Lesa konse konse, mu mibele ya buntunse.

³⁴ Nomba ifwe tulemona muli ici, ukuti ukuti itotofwa lya Mulopa ilyo lyatobeke, lya fumishe Lesa. “Lesa aali muli Kristu, alewikisha isonde ku Mwine eka.” Apo, tapali nangu umo uwaku cita ico, kabili takwali icintu cimbi icali noku citwa; cena casendeleye ulya Mulopa wa mushilo, Umwine eka. Lesa aikile panshi no kuba umuntu, ukuti acule ku mafunde Yakwe Umwine. Nga cakuti Yesu aalifye kasesema, umuntu uwapatulwa ukufuma kuli Lesa, ninshi Lesa taba na mulinganya.

³⁵ Nga kuti Natiila, “Lekeni Munyina Grant afwile pa membu shimo isho Billy afwiile ukufwilapo, nangu icintu cimbi, ukukandilwapo,” ico kuti caba ica munchishanya. Nga cakuti Na likwete umulumendo wandi ukufwila pa kukandwa uko Ine nalandile, cena pamo pene tacili icalungama. Kuli fye ubupingushi ubusuma bumo Ine ninga cita, ico kubula incende yakwe, nga Ndefwaya uku mupususha ena.

³⁶ Kabili Lesa aishile ba umubili, mucifulo caku sendela umubembu incende; Lesa asokolokele mu mubili, tapali nangu cimo ica icefeshe ukucila pali Lesa Umwine eka. Nomba, pano Ena efyo aali ukusokolola mu mubili, ukusenda imembu shapesonde. Kabili Ailangishe Umwine eka muli ifwe, ukuti ifwe twingaba abaishibikwa muli Ena. Moneni ubwiminishi bwa ico?

³⁷ Nomba twasanga ica kwishibikilwako ne Lambo lyesu, u Mweo we Lambo muli ifwe, uyo uuli ni Mupashi wa Mushilo. Lintu itotofwa lya lepwike, lyena lyafumishe Lesa, lyafumishe Lesa, ukutula Ena ashilishe abantu pamo no Mulopa Wakwe

Wine no kubika Lesa mu muntu nakabili. Lesa muli iwe, u Mweo wa Muyayaya!

³⁸ Kabili no musambi onse uwa ci Greeki alishiba ukutila ukutila ishiwi, u Mweo wa Muyayaya, lyafuma kwishiwi Z-oe, Zoe, ico icilepilibula “u Mweo wakwa Lesa Umwine.” Ico nacilungama. Inshila fye imo iyo iwe ungakwatilamo u Mweo, kwabafye umubele umu uwa Mweo wa Muyayaya, kabili uyo Mweo wakwa Lesa Umwine muli iwe. Wamona? Ninshi iwe wakwata u Mweo wa Muyayaya, pantu Ena eumo fye eka uwaba u Muyayaya uwabako. Kabili nifwe twafuma mu matontokanyo Yakwe, ilyo takulaba nangu umufula we sonde nangu icintu conse. Fyonse ifi kutontokanya fye Kwakwe, kabili nifwe ifya kulangwapo amatontokanyo Yakwe pafyo cena caali.

³⁹ Kabili Ena aikile panshi pakuti enga senda ulubembu. Takwali umbi uwingacita ico. Takwali nangu umu uwafikilepo ukucita ico. Umuntu nangu umu uwakucicita takwali lelo kano Ena, kabili Acitile ico. Kabili lintu ulya Mweo walekelweko ukufuma muli ulya mubili, wa Muntu, uyo uwaali u Mwana wakwa Lesa; Amaka Yakwe aya kupanga yapangile icikulwa nga fintu kakuula onse, akuulile icikulwa ico Ena akukilemo ukwikala, Ena palwakwe. Lesa ewacitile ico.

⁴⁰ Kabili nombamba lintu ulya mweo wasendelwe, u Mulopa, ifintu fyalu muli Wena, wa pongolokele pa mushili, pamofye nga fintu uwakwa Abele wa pongolokele pa mushili. Lelo ukufuma muli ulya Mulopa mwafumine Mupashi wa Mushilo wakwa Lesa, kabili uyo watuminwe ku muntu pa Bushiku bwa Pentecosti, ukuba uwaishibikwa pamo ne Lambo ilyo ilya bafwilile. Takuli inshila nangu imo mwi sonde twinga kwatilamo ico. Icishibilo Icituntulu!

⁴¹ Lolesheni, nga cakuti wasangwa no mulandu wa kwipaya, kabili iwe waishiba ukuti bali noku kukutwala pa mupando wa malaityi. Kabili waibukisha, ukukana . . .

⁴² Dallas, kutika! Ukukana u Mulopa wakwa Yesu Kristu, Icishibilo ca Mulopa Wakwe, nga cakutila iwe waumona Wena kabili waukana Wena, iwe uuli nokulungatana no Bupingushi pamo no Mulopa Wakwe pa minwe yobe. We mubembu, membala wa mu chalichy, ibukisha ico.

⁴³ Nga cakuti Lee Oswald alifikileko, mu nshiku ishinono, kabili no kupiba ku cinso ca cilya Icilye Cikalamba ico ena aali nokulolenkana naco; kabili nokwishiba ukuti, ukufuma mu kwipaya Kateka, takwali nangu panono ukuba akapandwa akaluse, ifyo ulya muntu aali nokumfwa! Cena nga cali icintu icabipisha. Ena tafikileko mukulolenkana neco, pantu umuntu umbi aali mupikile nemfuti. Lelo tontokanyeni ukwikala ku cinso Cilye Cikalamba icafulwa, no mulopa wa muntu munobe pa minwe yobe, Kateka wa United States! Ico kuti caba icintu cakunakilila no luse, kuli imwe mwe bantu mwe bapita mupepi

no Mulopa wakwa Yesu Kristu, lintu imwe mukeminina mufilye fyakwa Lesa. Ukupiba pali ico ilyo imwe namwishiba. Oswald ngatapali ico acitile ukucila pakusha ubu ubwikashi nokuya kuli ena, lelo Lesa akusha u Muyayaya ukufuma Mukubapo Kwakwe. Cena cikaba icintu icabipisha. Moneni.

⁴⁴ Nga cakuti waali no kuya ku cilye, pakusangwa no mulandu, iwe kuti wafwaya ndubulwila musuma uwaishibisha e untu wingafwaya. Onse kuti acita ico.

⁴⁵ Kabili umuntu onse uwafyalwa mwi sonde, Ine nshilesakamana ubusuma bwa ng'anda ena afumamo, ena wa mulandu pa Mulopa wakwa Yesu Kristu mpaka ena apokelela ubwelelo bwa ico. Kabili inshila imo intu mwaishibilamo ukuti ubwelelo bwali lungama, lintu Icishibilo caibika Palwaciko pali iwe, kabili iwe wakwata Icishibilo.

⁴⁶ Moneni, iwe uuli wa mulandu, kabili ufwife wa fwaya ndubulwila uwaishibisha untu iwe ufwife wasanga uwinga kupapatila umulandu obe. Kabili ngacakuti Naley a ku Bupingushi bwakwa Lesa, Nshifwile nafwaya shimapepo, Nshifwile nafwaya umuntu; Ine ndefwayafye ndubulwila waishibisha untu Ni ngasanga uwakumpatila umulandu.

⁴⁷ Leken nande ici, kuli iwe, cibusa wandi umwina Kristu. Ndubulwila wesu pamo pene ekapingula wesu, kabili ka—kapingula wesu asangwike ndubulwila wesu. Umulandu naupwa lintu ifwe twapokelela ubwelelo Bwakwe. Kapingula Palwakwe aikile panshi kabili no kuba ndubulwila, kabili ndubulwila na kapingula Muntu umo wine. Lesa aishileba umuntu, ukutila Ena kuti alungamika umuntu ne mfwa Yakwe Umwine intu Ena abikile paali ena. Alleluya! Ico cilepilibula, ukulumbanya, Lesa wesu! Ena akabila amalumbo yonse. Kapingula wesu kabili ndubulwila wesu Muntu umo wine.

⁴⁸ Mupashi wa Mushilo e Cishibilo ico twakwata ukutila baalitwelela. Umulandu walisalwa. Ku mwaume onse no mwanakashi onse ukuti mucine aali pokelela ulubatiso lwa Mupashi wa Mushilo, ena alyeshiwa, aalishibana pamo na ndubulwila wakwe, pamo na kapingula wakwe, pamo ne lambo lyakwe, kabili ne Cishibilo cakwe akwata ukulangisha ukuti ubulendo bwakwe bwalilipilwa ubwa ku Bukata. Amen. Cena conse calipwa. Aali kata cilya Icishibilo. Cena cakwe, ulubatiso lwa Mupashi wa Mushilo, ico icaba kambone wakubuka kwakwa Yesu. Amen. Bushe na mucetekela ico? [Ulukuta, lwatiila, "Ameni."—Kale.] Ico ecakwishibikilwako cenu, imwe na mwikata Icishibilo.

⁴⁹ Nomba nga cakuti taukwete cilya Cishibilo, iwe tekuti wingilemo. Iwe ufwife wakwata i Cishibilo. Uyo emutengo ufwaikwa, "Lintu Na mona umulopa, umulopa e cishibilo. Lintu Namona umulopa, Ndi nokuku cilila iwe." Iwe ufwife wakwata

Icishibilo. Nga taukwete, mulandu nshi, tekuti upite. Ufwile wakwata Icishibilo.

⁵⁰ Nga cakutula icishibilo tacalangilwe, icishibilo tacalangilwe kulya kwine, nangu fye icipangano taca bombele. Mwatiila, “Ukuba, nomba, Munyina Branham, nomba lolelako panono.” Ico nacilungama bwino bwino.

⁵¹ Icishibilo caali pa muulu wa cipangano. Pantu Israeli aali kwete icipangano icaku sembululwa, kabili umu Yuda onse kuti afuma no kulangisha umuntu onse, “Ine kuti nashininkisha kuli iwe ukuti Nali sembululwa, Ine ndimu Yuda, Nali sembululwa umwabela icipope cakwa Yehovah,” lelo libe ico tacale mufumya ena nangu icishibilo tacalipo palya pamo. Ena afwile alangisha icishibilo. Bushe mwacumfwa ico? [Ulukuta lwatiila, “Ameni.”—Kale.] Ena. . . Icishibilo cifwile cabapo palya, nangu cingaba shani. Kabili nga cakuti muli mu cipangano. . . Nga cakutula umu Yuda onse alanda ukuti, “Ine nshabikepo umulopa pa mwinshi wandi, Ine kuti nashininkisha ukuti Ndi mu Yuda wa cipangano,” Malaika wa mfwa ena ku mwikata. Te mulandu nangu ena aali uwa naakila, nangu aali ni membala wamu chalichi shani, ne cekumi conse ena alepela, nefyo alelanda ukuti acetekela Yehovah; Yehovah ena alefwayafye cilya icishibilo epela.

⁵² Kabili Alacita ico ileelo, pamo. Cena cifwile ukuba ifyo. Cena cifwile caba, “Pantu tapaba inshila imbi pe samba Iya Muulu, ta paba ishina limbi ilyapelwa nangu cibe fyo,” te mulandu nangu cingaba icisuma, nangu ukunakila. Cilya Icishibilo cifwile cabapo palya, no kulangwa.

⁵³ “Umulopa,” iwe watiila, “ukuba, Naipeye impanga kabili Naibikile mu mbilika. Nabika yena kulya kunuma.” Ifyo tefyo Ena alandile. Ufwile waba pa lintelo kabili pa ncende ya pa mwinshi. Wena ufwile walangwa.

⁵⁴ Kabili umweo obe ufwile uku langisha Icishibilo caba muli iwe. Oh, imwe ba Pentecosti, cinshi calubana naimwe? Imishishi yaputulwapo, ifinso fya pentwa, umwaume, ifyakusekesha ifyabipa ne fintu, ni kwisa kuli kulya ukulangisha kwa Mulopa wakwa Shikulu Yesu Kristu ico i Cishibilo ca Mupashi wa Mushilo? Imwe, mwakwata imibele ya bulesa, kabili mwita “ubuloshi” ne fintu fimbi ifyo, imilimo yakwa Lesa, “ubuloshi.” Kuti walangisha shani icishibilo?

⁵⁵ Bena batiila, “Nine Pente- . . .” Nshilesakamana ifyo waba. “Ndi Baptisti. Ndi Pres- . . .” Nshilesakamana ifyo waba. Cilya Icishibilo cifwile ukuba palya. Lesa alecifwaya Cena, takuli iicintu cimbi kano cilya cine.

⁵⁶ Iwe watiila, “Ukuba, Nalikwata iya bu dokota.” Nshile sakamana ma digrii yanga wakwata. Lesa alefwayafye cilya Cishibilo, na Cilya cimo. Cena e ca kumwenako ukuti inshila

yobe nailipilwa. Ena teti asende ifipepala fyobe nangu icintu cimo cimbila. Ena afwile akwatafye cilya Cishibilo.

⁵⁷ Namutekenya wa sacha atiila, “Pano, lolalako aka shita akanono, ico te cishibilo candi.”

⁵⁸ Umuntu wa mu ndeke atiila, “Ukuba, iwe fuma kabiye kulya nomba.” Itiketi cishibilo. Iwe kabiye kulya no kweba kensha wa ndeke, “Pano, Ndefwaya ukunina indeke yobe. Nishinga ishakupilila?”

“Kabiye mukati no kupoka icishibilo.”

“Oh, Nalakulipila iwe.”

⁵⁹ “Ine tekuti mpoke ico. Iwe tawanine mu ndeke yandi mpaka uye ulipile umutengo kabili upoke ne cishibilo. Ndefwaya icishibilo.”

Iwe watiila, “Ukuba, Naile ku sukulu. Nalicita *ici*. Na . . .”

⁶⁰ Nshile sakamana ico wacita, iwe ufwile wakwata Icishibilo nangu iwe tafwile ukuninamo. Ameni kabili ameni. Bushe tamulemona ico? Lesa alefwayafye cilya Icishibilo. “Lintu Namona umulopa, kabili elyo Ine ninga micilila imwe lintu Na mona icishibilo.”

⁶¹ Cena tacalangilwe, ne cipangano tacabombe noku bomba. Umu Yuda kuti mukupwililika atiila kabili noku ishininkisha umwine palwakwe ukuba u—ukuba umu Yuda wasembululwa, ena kuti asenda na ba bwana nyina kunse no kutiila, “Lolesheni pano, Nalisembululwa.” Ico tacapilibule icintu nangu cimo.

⁶² Iwe watiila, “Ndi Methodisti. Ndi Baptisti. Ndi Pentecosti. Ndi *ici*. Ndi *cilya*.” Ico tacilepilubula icintu nangu cimo.

⁶³ Iwe ufwile wakwata Icishibilo. Kabili lintu Icishibilo caisa, Cena cipela ubunte bwakwa Kristu. Ena atiile Cena cili nokucita. Kabili Kristu e Cebo. Kabili kuti wakana shani ukuti Baibele ya cine, mu ncende shimo isha Ciko, kabili uletwalilila ukulanda ukutiila iwe walikwata Icishibilo, ilyo Cishibilo e bunte bwakwa Yesu Kristu? Mwamona, apo epo Ine nsunguka.

⁶⁴ “Oh,” watiila, “Nshacetekela, Nacetekela inshiku sha fisungusho. . .” Oh, učenjele, tapali Icishibilo palya. Cena Icishibilo cilanda i Cebo conse na “ameni,” ifintu fyonse, pantu cena ni Lesa Umwine eka. Mwamona? Nacilungama.

⁶⁵ Lelo ngacakuti icishibilo tacalipo palya, icipangano naco tacalebomba. Cena calepwa. Cimo cine na nomba! Te mulandu no—no kulanda iwe wingalanda, nefyo iwe wingalanda, “Nacetekela i Cebo conse mu Baibele,” watiila, “Munyina Branham, Ine—Ine kuti nakwambwila citika wa Baibele iyo, Baibele yonse, no mutima. Ine nacetekela conse ica Ciko.” Ico cisuma. Satana nao alacita ifyo, pamo. Uh-huh. Cena cisenda fye Icishibilo!

66 “Ukuba, Munyina Branham, Nalikwata icibumba caisula ama digrii. Ndi Bachelor of Art, kabili nalikwata dokota digrii, na LLD. uwa ci Latini. Kabili, oh, Nalilemba ama buuku. Nali cita ici. Nali cita ifintu fyonse. Ine na—Ine nalicita ifi fyonse ifintu.” Nshile sakamana. Ifyo fyonse fili bwino, lelo cibe iwe ufwile wakwata cilya Icishibilo. Icishibilo, nangu cibe ifyo Icishibilo cena cilefwaikwa!

67 Iwe watiila, “Ndi mwana we sukulu lya Baibele. Ndi—Ndi muntu umusuma. Naba *ifi, filya*.” Ico kuti caba bwino, ico conse cili icisuma, lelo nalyo line cifwile cakwata Icishibilo!

68 Nomba, imfwa yaali iyaipekanya ukupuma Egypto panshita iili yonse, kabili eico imfwa iili iyaipekanya ukupuma icalo nomba panshita iili yonse.

69 Anna Jeanne, Ndeumfwa icintu cimo kwati ba wiso, balandile ica kuposapo panshita imo. Nalitemwa lyonse ico. Batiile, “Na mwishiba, cino calo, ne membu shimo shine, nga cakuti Lesa aleka America nefyo ena alecita, Ena akaba mumibele isuma uwashingamwa ukwimya Sodomu na Gomorrah ukwima no kulomba ubwelelo kuli bena, pakuboca bena.” Kabili ico nacilungama.

70 Ibukisheni, Israeli alipile pa lubembu lonse ena acitile, naifwe efyo tukalipila. Ifyo tuleya abailekelesha? Kakeni ica kucinga icifuba! Bweleni kuli Lesa, mwe chalichi! Nshilelanda ifi fintu ukuba ifyapusana. Nde landa kuli imwe nge cakusoka. Imwe cetekeleni!

71 Imfwa yali iya ipekanya uku puma. Lesa aali balangile ukusenamina Kwakwe no luse Lwakwe, ukupitila mu maka ne fya kumwenako ne fisungusho (efyo Ena acita na lelo ilyo talasenda i Chalichi ukuya), nelyo line tabalefwaya ukulapila kabili nokucetekela imbila.

72 Mwamona, kwaliko imbila ilyo i chalichi tacilasendwa. Lyonse kulaba. Cimo cine nomba. Conse icicitwa ca mupashi icilecitika cakumwenako ukufuma kuli Lesa. Bushe mulecetekela ico? [Ulukuta lwatiila, “Ameni.”—Kale.] Kwati ni Mbila, kuliko icakumwenako elyo kabili nomba i Mbila yakonka icakumwenako. Lesa aebele Mose, atiile, “Nga cakuti bakana ukucetekela ishiwi lya cakumwenako ica bumo, limbi bena kuti bacetekela ishiwi lya cakumwenako ilya cibili.”

73 Nomba, lintu mwamona ifya kumwenako filetwalililapo, kabili tapali ne mbila kunuma ya ico, isukulu lya kale limo linefye ilyafyamapepo no kuya panshi, ico tacafumine kuli Lesa. Lelo apaali icakumwenako ukulangwa, i Mbila ilakonka ico. Nomba lolesheni. Yesu kwisa amoneka . . .

74 Bushe Ndemikomeka amatwi? Nangu onse uyo aali paali ici icisosela pano, cileumfwika kwati kubwasha amashiwi. Limbi cilelanda pamuulu panono. Ndefwaya imwe muleumfwa.

75 Lintu Yesu aishile moneka, Ena talelanda ifingi ku bantu, umuntu onse alefwaya Ena mu chalichi cakwe. “Oh, uyu mulumendo Kasesema, tuli abansasa pakuba na Ena.” Aleundapa abantu abalwele. “Oh, ubukata kuli Lesa. Lesa naimya u Mwaume mukalamba pakati kesu.” Lesa caali bwino. Eico ubushiku bumo caishile fika pamo apo. . . Ico caali icakumwenako Cakwe.

76 Esaya 35 yatiila cena cili nokuba icakumwenako. “Aba lemama ba katoloka kwati ni nsebula,” kabili na fimbipo, “impofu shi kamona.” Cena caali icakumwenako.

77 Alangishe icakumwenako Cakwe nga Messiya, kabili na fimbipo. Kabili bena, abengi abo, batiile, “Ee, Ine kuti nakonka ico.” Ukuba, nomba, nga cakuti ico caali icakumwenako, kufwile kwaba ishiwi ilya ico icakumwenako. Lishiwi nshi lyali ku numa ya ico? Lintu Ena akatampa ukufundisha isambililo Lyakwe kabili nokubeta bena ibumba lya nsoka mu cani. Ena taali uwaishibikwa ukufuma no kuya kuntanshi, mwamona, lintu ishiwi lyaishile pamo ne cakumwenako. Ica kumwenako ecaile mukubalilapo.

78 Mose aile ku Egypto ne cakumwenako. Kabili ena aposele panshi inkoto, yasangwike insoka. Ico cali cakumwemako. Lelo panuma yakashita, ishiwi lyaishile ne cakumwenako. Nomba caali ica pusanako. Mwamona, tabafwaya ifyo. Ishi—ishwi, lifwile lyaba, konka icakumwenako. Kabili takwali inshita imbi iyo caali nokwishilapo ukucila ilya nshita, pantu yena yaali ni nshita iya kuti Amalemba yafikilishiwe. Lolesheni pafyo Ena amwebele, mu cimpukusa calepya, “Ine nimona ukuteta kabili no kubomfwa abantu Bandi, kabili nokumona ukucula kwabo kuli ba shikulu wabo abamu Egypto, kabili Ninjibukisha ubulayo Bwandi ubo Napangile na Abrahamu.” Imyaka imyanda iine naipwa, kabili Ena aebele Abrahamu ukuti bena bakekala kulya. Mwamona, takwali inshita imbi iyo cali nokuba ifyo. Mose aishilefye pali ilya ine nshita.

79 Lesa inkoloko yakwe ikalamba ilenda iya pwililika. Yena teti itangile na miniti imo nangu ukushalilako ku numa na miniti imo. Yena iili nokubafye bwino bwino pa nshita. Ukuba, eico, mwamona, ifintu fyonse fyale endafye ifya lungama, tacali nokwisa pa nshita imbi.

80 Nangula ifi fintu ukwisa panshita imbi. Ifi tafyali nokwisa mu nshiku shakwa Luther. Cena tacali nokwisa mu nshiku shakwa Wesley. Munshiku shaba Baptisti nangu ba Methodist, munshiku shabo, cena ngata caishile. Cena elyo cifwile caisa nomba. Israeli afwile aba icalo. Ama chalichi yafwile ukuba nga fintu yaali nomba. Kwali no kuba imbila yabutatu, iya nkulo ya chalichi iya butatu. Kwali nokuba Laodekeya. Yena taya pangike mpaka Pentecosti yaishile no konaula ibumba lyabo, kabili nokufuma no kwampana, kabili bacitile ifyo bacitile. Nomba

cena caali nokwisa, elyo kwaishile Shikulu, lintu bamufumishe Ena kunse ya chalichi. Ena e Cebo.

⁸¹ Bena balatina ukubeca cilya Cebo konse. Bena baikala tondolo uwapwililika palwa Ico, lelo cibe bena balalanda ubufi palwa cena.

⁸² Ku Chicago, kuno tapapitile inshita iikalamba, Shikulu ampele icimonwa. Nakwete bakapyunga imyanda itatu kulya kwine. Natiile, “Nomba Ninjishiba ifyo imwe. . . Palwa lubuto lwa nsoka, nafimbipo,” Natiile, “umo paali imwe abule Baibele no kwisa iminina ku lubali lwandu no kukanako kuli ico.” Ibumba lyaিকেle tondolo ico tamwaumfwapo. Natiile, “Nomba mwila nkonkaisha ine.” Mwamona, cena cili kunse ya mitontonkanishe yabo.

⁸³ Cibe, bena batiila, “Munyina Branham ni kasesema lintu ena asubilwe, lelo lintu ukusubwa kwafuma paali ena, oh, Nshishibe.” Ifyo. . . Ico nga teshibilo ca—ca—ca—ca basakanishiwa—ba kasambilila ba mipepele! Balya bene. . .

⁸⁴ Ishiwi *kasesema* lipilibula “uwa Maka ya kusokolola i Cebo.” I Cebo cakwa Shikulu cisa kuli ba kasesema. Ifyo efyo Yesu ba mwishibe. Kabili balandile panuma yakubuka, bena batiile, “Ifwe natwishiba Ena aali ni kasesema wakwa Lesa, mwamona, takwali umuntu uwunga cita ifi fintu kano Lesa aba nankwe,” nomba takwingaba uwinga pokelela imbila Yakwe. Bena ngataba pokelela Yohane, kabili ena aali ni kasesema. Nga tabapokele Eliya, nangu umu pakati kabo, kabili bena balikwete Amaka ya kusokolola.

⁸⁵ I shiwi, ishiwi lya mu Cisungu, *kasesema*, amashiwi yamu Cisungu yapilibula icili conse, lyena kuti lyapilibula “kashimikila.” Lelo lintu watiila *kasesema*, wamu Baibele yakale, cena cilepilibula “kacefya.” Kabili ifyo acitiile fyali ifyakuti, ifyo alandile fyaleisa muku fikilishiwa, kabili ico caali icakumwenako ena aali ni kasesema; ena nao pamo aali icakumwenako ukutula ena alikwete Amaka ya kusokolola i Cebo icalembwa. Kabili na Lesa ukucishininkisha cena, mukuba ku numa yakwe, alecishininkisha cena.

⁸⁶ Mu musango nshi? Ukuba, cena cifwile ukubafye muli iyi nshila, epela fye. Takuli inshila imbi iyakucitilamo cena. Lesa atiile cili no kuba muli iyo ine nshila, kabili imwe mwamona. Lelo efyo ico cili ileelo, mwamona, cilya Icishibilo cifwile cabapo palya, ico icifwile caishiba cilya Cebo no kucipanga cena bwino bwino icine. Nomba ifyo Ena alaile palico, ifyo Ena apekenye pa bantu Bakwe bonse abamu calo—cabulayo, nomba, lintu Ena aali nokukwata uku ukufuma, ico icali ica kupashanya.

⁸⁷ Nomba Nalaesha ukupwisha mwi kumi limo nayasano, amakumi yabili ba miniti, ne yi Mbila. Moneni mumfwikishe nomba, Ndefwaya imwe musende ici, pantu limbi Tekuti mimone na kabili, mwamona.

Moneni, nomba moneni ifyo Apekenye abantu Bakwe.

⁸⁸ Nibanga abeshibe ukuti Ena tacinja inshila Shakwe? Ena tatala acita ico. [Ulukuta lwatiila, “Ameni.”—Kale.] Ena aba . . . nomba lolesheni ukupita muli Baibele kabili mumone nga cakuti Ena aalitala acinja ico. Iyo, mukwai.

⁸⁹ Nimumusango nshi Ena apekanishemo abantu? Mukubalilapo, Ena atumine kasesema ne cakumwenako, uyo uwaali ni Mose. Bushe ico nacilungama? [Ulukuta lwatiila, “Ameni.”—Kale.] Kabili ne cakumwenako cali ne mbila, imbila iya “kuipekanya,” bena balefuma ukuya kuli cilya icalo cabulayo. Nomba Ena aali kwete icakwishibikilwako, icakwa uyu kasesema, ukuti u Lubuto lwali pa muulu wakwe. I Ntumba ya Mulilo yalekonka uyu kasesema, twalishiba ico, yaile ukupita mumatololo pamo na Mose. Ifwe natwiluka ukuti. Kabili nomba Ena abapele icishibilo ca kupela isubilo ukutila tabafwile baba aba kutina, fyonse ukuba abaumfwa ububi kabili aba ebeka; apo Ena atiile, “Lintu Ine namona cilya icishibilo, Ndi noku micilila imwe.”

⁹⁰ Moneni ifyo Ena acitile nomba. Apekenye mukubalilapo icakumwenako, inkombe, yaishibe imbila, icakwishibikilwako ica nkombe, kabili ne cishibilo ica kupela isubilo ukuti ubulendo bwalilipilwe. Bena nomba balungeme ku calo cabulayo.

⁹¹ Icintu cimo cine Acita na leelo! Cinshi ico Ena acitiile? Aatumine Mupashi wa Mushilo kuli ifwe. Mupashi wa Mushilo e Nkombe, kabili icakulangisha ca mu Malembo Yakwe umwine ukumulangisha Ena pakati kesu, uwaba cimo cine mailo, ileelo, kabili naku muyayaya. Kabili Icishibilo e cakupela isubilo. Cinshi ico tuletinapo? Umutengo wesu walipilwa kale kabili ifwe twalishibikwa ne Lambo lyesu. Ena tekuti akulekeleshe. Aali laya ico. Ifwe twalishibikwa.

⁹² Israeli ukufuma mu Egypto, ngafintu Nacilanda, cili kwati ni—ni Nabwinda ukufuma mu chalichi. Lintu Mose atampile ubupyangishi bwakwe, Israeli yonse ya kolongene mu Gosheni, ku mapepo nokulangisha ukutemwa no mucinshi, bwino bwino fye, ukufuma mu ncende shonse isha Egypto. Uyo wine emusango Nabwinda aka citilamo, cena cikaba ukufuma cikaba ukufuma muli bonse ba Oneness, ba Twoness, Threeness, kabili ne misango yonse. Cena cikaba fumeni. Cena cifwile ukuba ifyo fine. Nomba tubelenga muno muba Hebere mu . . . Ifwe natwishiba, icintu icakubalilapo ico tufwile uku tontonkanyapo, ukufuma mu ncende shonse, “Fumeni pakati kakukana cetekela.” Nomba Mupashi wa Mushilo walaile ukwita abo munshiku shakulekelesha, “Fumeni pakati ka bashacetekela.” Moneni.

⁹³ Tulesanga mu aba Hebere 10:26, Ni nempa pano, pena palelanda ifi, “Nga cakuti twabembukila itolo panuma ifwe

natupokelela ukwishiba kwa Cine, tapashala nakabili ilambo pa membu,” mwamona, nga cakuti wakana ukucetekela kwitolo.

⁹⁴ Nomba nga cakuti mwamona, cinshi ico Nalalanda pano, nga kuti mwanjelelako pa kashita mpaka Ine ncite ica ku londolola. Nde cumfwa mu Mupashi, ta cumfwikike bwino. Mwamona? Moneni.

⁹⁵ Pano pali aba Hebere, baali pa bulendo bwabo ubwakuya ukufuma. Lesa asalile abaume ikumi na babili, nangu Mose ewacitiile, ukupitila mu kuboko kwakwa Lesa, ukuya kulya muku cenkula icalo; kabili no kubwela, ukuleta icishibilo ica calo cilya. Kabili lintu bafikile kulya, balya ikumi balitinine ukwamfwa. “Mulandu nshi,” bena batiile, “balya abena Ameleke kulya kwine, ifwe twamoneke kwati tuli fipaso kuli bena.” Yoshua na Kalebu babwelele, ukuleta ica kushininkisha, “Ifwe kuti twacimfya cena!”

⁹⁶ Imwe mwamona, abo eba cetekela bapa mupaka. Bena balapita muli fyonse ifi ifintu fyapusana pusana, kabili nokupita mu chalichi, no kuyampanya ku chalich, no kubatishiwa ne mibeke. Lelo lintu caisa palya pene apa kwabukila ukuya mu kupoka Icishibilo, icaku shininkisha ukuti Icalo eko cili, ulya Mweo. . . Yesu Kristu tafwa. Yena ni nshita imbi. Aikala muli yena. Aba na ifwe, nomba Aali muli ifwe. Lintu cafika apo, “ah,” bena teti bacetekele ico. Ico caali cililepo, imwe mwamona. Kabili bena babwelele, kabili bena, umuntu onse, afwilile mu matololo, tapali umo pali bena uwa abwike. Kabili, mwamona, nga cakuti twakana ukucetekela, ifwe ba Methodisti, ba Baptisti, ba Presbyterian!

⁹⁷ Ninsubila ba kafundisha bandi abakale na bekala pano ileelo. Ba Dokota Roy E. Davis, imwe mwe bengi mwalibeshiba, pano pene pa Fort Worth, limbi bena nabekala muno mwine. Ndeibukisha twalilandile paali ifi fintu, pa myaka iingi, iingi yapitapo. Balimbatishe bena mu cicetekelo, Minsioni mu chalichi ca Baptisti.

⁹⁸ Kabili lolesheni, muno mwine, nomba, ngacakuti ifwe. . . nga—nga ifwe twafika palya pa mupaka wa calo, twatiila, “Ukuba, ubukata kuli Lesa, Nalalandila mu ndimi, alleluya.” Ico tefyo ifyo. Ngakuti watiila, mwicetekela i Cebo nangu cimo, awe tapali icintu cimo icilubene neco waishiba. Mwamona?

⁹⁹ Iwe waisa mulya mwine mu Calo kabili wamona cena emo cili. Wamona ukuti Yesu aali buuka. Ena aali pakati kesu. Iwe waumfwa i Cebo icakonkana ne mbila, kabili nangu cibe ifyo wakana ukucetekela Yena, iwe nawishiba icacitike? Nomba bena bafwilile mulya mwine mu matololo. “Ngacakuti wabembukila itolo panuma ifwe twapokelela Icine, tapashalapo ilambo nakabili pa lubembu.” Ifyo efyo i Buuku lya ba Hebere litweba.

¹⁰⁰ Kabili nomba moneni, nga fintu tulemona ifyakumwenako ifikalamba ifya nshita-yakumpela pe sonde, ifyo Ena alaile, ifyo cena cili icacilapo mukutusoka ukutila inshita iili mupepi. Fumeni mukukanacetekela. Iseni capamo. Tufwile twatemwana bonse nokucetekela, kabili no kwipatulula pa lwesu ukufuma kwisonde.

¹⁰¹ Moneni, bena tacali icakwisa pamo no kulanda pa mbila. Bena baali no kwingilamo muli yena, ukuba pesamba lya mulopa. Tekwisa nokulanda, “Na mwishiba, Mose alitwebele. Inkombe, yena yatiile, atwebele ifwe tufwile twakwata umulopa. Cinshi ico imwe muletontonkanya palwa ico, balumendo?” Ico tacali muli uyo musanga. Buleni impaanga mwipaye, kabili mubule no mulopa ukubika palya!

¹⁰² Ifwe kuti twaisa nokwikala noku suminishanya pa Cebo, na fimbipo fimbi, lelo ngataukwete Icishibilo, cisuma nshi calacita kuli ifwe? Tapali icisuma. Ba pe samba lya Cena. Ena taali uwashingamwa pa muntu onse uushali pe samba lya ulya mulopa. Kabili Ena taali uwashingamwa pa muntu onse, ileelo, uwafuma pe samba lya Cishibilo.

¹⁰³ Ulupwa lonse, lwalifye ulwa cingililwa lintu baali pe samba lya cishibilo, kabili ne cishibilo cali langilwe. Ulupwa lonse! Bushe namucetekela ico? [Ulukuta lwatiila, “Ameni.”—Kale.] Ileo tufwile twaibukisha ico, abantu. Abana besu!

¹⁰⁴ Kabili aba imisepela iiyabula amano namasha yakuya kuntanshi-naku-numa, kabili ne fintu ifyo tulepitamo, na bonse aba pano ama Bitulu nempantila, kabili bushe namwishiba ukutiila bonse emo baali muno mwi Buuku, ilya Baibele? Efyo cena calanda mu Kusokolola. Icine cine, efyo cacita. Ifyo abantu, bena, bena bale—bena bale...bena, bena, mwamona bena, bena tabale...Bena balifwa. Bena tekuti beme. Tabatalile ababamo mu Muyayaya. Bena tabali namo nangu muku Tontonkanya, eico bena bakafwa. Bena bakacitwa ifyo umuyayaya, ukufumishiwapo mukupwililika. Bena bakakandwa pa nshita ntali, pafyo bacita, lelo icintu conse icakwata intendekelo calikwata impela.

¹⁰⁵ Cena ico ico icishakwata intendekelo, tacakwata impela. Kwaba fye imibele imo iya Mweo wa Muyayaya. Imibele imo iya Mweo wa Muyayaya, tulwila paali ico. Moneni.

¹⁰⁶ Yoshua, chapitala ya 2 iya kwa Yoshua, cilende umwina Fyalo uwa cetekela alyumfwile, kabili no lupwa lwakwe, abaletele bena pe samba lya ntambo yakushika, ico icaali icishibilo ukufuma ku nkombe shakwa Yoshua. Malaika wakonaula uwakwa Lesa acindike cilya cishibilo, kabili cekafye, muli ulya musumba. Emwali ico Lesa alefwaya, ukupitila mubabomfi Bakwe, ukutila Lesa alefwayafye icishibilo, kabili ico ecaali fye cimo epela. Ine nshile sakamana nga cakuti caali ni mayor wamu musumba, nga cakuti aali umuntu uwashilisha

mu musumba, nga cakuti baile mu chalichi icikalamba nganshi mu musumba, ifintu fyonse fyalifilike muli ulya musumba lelo kanofye ilya ing'anda. Lesa ekafye, ewacindike cilya cishibilo.

¹⁰⁷ Moneni, Yeliko aalyumfwile ukutila Lesa alecita ifintu ifikalamba, lelo tabakutike ku kusokwa.

¹⁰⁸ Eico na bantu ileelo baali baleumfwa ifyo Lesa acita pa myaka inono iyapita, lelo tabaposako amano ukumfwa kuli cena. Aya amaka ayakalamba aya kusenamina ne fyakumwenako, nga fintu Alaile, “nga fintu caali mu nshiku sha Sodomu, ifyo fine efyo cili no kuba.” Ifyo Ena alaile ico ukuti efyo cikaba! Moneni ifya citike mu Sodomu. Ibukisheni, kwaliko icakumwenako ca Sodomu. Lelo inkombe, yamuli Malaki 4, ku “bula imitima ya bantu noku ibwesha kuli ba taaata, bataata bapa pentecosti, ukubwelela kuli Baibele.” Tekuti kube na kabili Baibele, icintu cimbi ico. Ici ebusokololo bwa kwa Lesa bonse.

¹⁰⁹ Kabili umuntu umo atiile, “Ukuba, Ine nacetekela muli *ici* cipandwa, Nshishibe palwa Ico.”

¹¹⁰ Inkombe ine ine iya kwa Lesa yena kuku bwesha ku cintu Conse! Mwamona? Moneni, ifyo efyo Mupashi wa Mushilo acita, ukukubwesha kulya kwine ku Cebo conse icakwa Lesa.

¹¹¹ Ukusenamina kwakwe kwali langwa, ubupingushi Bwakwe ebwa kukonkapo. Bena bacetekele ukuti baali bena abacingililwa mu cikulwa icikalamba ica cilonganino ico bakwete mu Yeliko, lelo basangile ukuti tacabombele cena.

¹¹² Mulya limbi mwalimo bamo aba mu...limbi mulya alisangile inshila, mwalimo ibumba lya balumendo abaingilemo, kabili babebele ukubula imbuto shonse shaba mwenwa libela capamo. Kabili abulile ena...kabili abomfeshe ing'anda nge chalichi, kabili apokelele inkombe; kabili nomba asendele bonse mu musumba wakwe ena, abo abacetekele, pe samba lya cishibilo.

¹¹³ Umwanakashi umo mulya mu bwikashi ubukalamba! Umwanakashi umo umunono, kabili uwamisango iyabipa, limbi balimufumishe kwisenge mu chalichi conse ica mu musumba, lelo ena acetekela ilya nkombe. Kabili ilya nkombe yashile icishibilo, icakumwenako, kabili Lesa acindike icishibilo. Eico efyo caba ileelo. Mwibukishe fye, lintu ubukali bwakwa Lesa bukonaula bulya bwaisa, ilya imibombele ikalamba yafilwa, icishibilo casungile ing'anda yakwe iyacingililwa. Tepa mulandu wakuti ena aali umwanakashi umusuma; ni pakuti ena aali necicetekelo kabili alebomfya ne cishibilo.

¹¹⁴ Nomba nga cakuti ena atiile, “Ee, bena bantu abasuma, icine cine Nalisangalala pa mbila bapele. Lelo, mu cishinka, yena yaleumfwika iyabulamo amano ukukwata bulya ubushishi buleselela panse ya nsolokoto yandi. Ine nala butintilafye mukati.” Cena nga cali filike. Cena nga cali filike. Lesa

acindikefye icishibilo, cimo cine ne cishibilo ca bwikashi caali mu Egypto.

115 Yoshua ewaali icakupashanya cakwa Yesu, pantu *Yoshua* cipilibula “Yehovah-kapususha.” Ena aali icakupashanya Yesu, aali uwa cine ku cishibilo cakumwenako ico inkombe yakwe yashimikile. Yoshua aikele uwa cine ku cishibilo cakumwenako. Bonse abaali pe samba lyaciko balipuswike, mu Egypto. Bonse abaali pe samba lyaciko balipuswike, mu Yeliko.

116 U Mulopa wa Mpaanga e cakupashanya ca leelo ica Cishibilo, uyu Mupashi wa Mushilo e Cishibilo ca leelo. Bonse abaali pesamba Wauko baali abacingililwa. Bonse abafumamo pe samba Lyauko tabaali abacingililwa. Muba Hebere 13:10 kabili na 20, Ena etwa “icipangano cakutwalilila.” Icipangano cakale caali icintu cimo, ici e Cipy, ici “e cipangano ca nshita pe.”

117 Lesa, ifya bulayo fyakwa Lesa ifya iminina mu-Mulopa fitulenga abantungwa ukufuma ku lubembu ne nsoni, kabili abapusanako ku bashala aba mwi sonde. Iwe taufwile ukufwala uwa pusanako; onse kuti afwala ifya pusanako. Iwe ufwile ukuba, mu kati, uwapusana. U Mweo waba mukati; te kufwala, ukufwala. “Ubufumu bwakwa Lesa tefya kufwala ne fyakunwa, nangu ukufwala ifyaku fwala; lelo cena kukokola ukukalipa, ubusuma, ukunakilila, ukutekanya, muli Mupashi wa Mushilo.”

118 Nomba, ubulayo bulenga ukuba umuntungwa ukufuma ku lubembu, cilangisha ukutila Lesa taishiba—taishiba ulubembu lobe. Davidi atiile, “Alipalwa umuntu untu Lesa tatunga ulubembu.” Kabili Lesa takatale abika ulubembu pali cilya Cishibilo, pantu Icishibilo eca kumwenako ico Lesa alipililapo kabili apokelela kale. Kabili iwe walikwata icishibilo ca ico, umu-... icicetekelo cobe calishita ico. Kabili walikwata umutengo wa kushitilapo ica bulubulo bobbe mu mubili obe, ukupepa Ena no kulangisha ukumoneka ukwa bulayo Bwakwa na maka.

119 *Icipingo Cipy* cipilibula “icipangano cipy.” U *Mulopa* cipilibula “u Mweo.” I *Cipingo Cipy* e cipingo ca Mupashi wa Mushilo, Mupashi wa Mushilo ukupela ubunte ubwakwa Yesu Kristu ukwima ukufuma ku bafwa, calangishe ukutila Yesu aali kwanisha conse ica lekabilwa pali ifwe, kabili aali uwa mweo ileelo. Icishibilo cile shininkisha Ena aali no mweo ukuilangisha Umwine eka pamo naifwe, umwabela ubulayo Bwakwe. Nomba umuntu kuti abelenga shani Baibele kabili no kumona ukuti Ena aali laile ico, kabili noku mona Kristu abwela muli shino nshiku shakulekelesha mu mibebe ya Mupashi wa Mushilo no kuilangisha Umwine eka uwa mweo? Ico e Cishibilo. Ico ecakumwenako. Uyo e mutengo walipilwa.

120 Taufwile, ukushintilila pafya kumfwika fimo. “Nacumfwa ifya talala ukupita mu numa yandi. Kabili—kabili Na—Na

cinunsha ifintu fimo; nacimona umulopa mu maboko yandi, nangu amafuta. Nangu—nangu, Ine nalipoka Bachelor Digrii. Nangu, Nashanine mu Mupashi. Na pundile. Na landile mundimi.” Ifi fintu fyaba fye bwino. Nshumfwa no bubi palwa fyena, lelo ifyo tefyo Ndelandapo.

¹²¹ Ndelanda palwa ca kwishibikilwako ica Cishibilo, Yesu Kristu, uwabuka no kuba muli ifwe nomba, ukwuilangisha Umwine eka, ukuishininkisha kabili mu bulayo bwa Cebo Cakwe ica bunu bushiku. Ameni. Ninshi iwe na Kristu mwaba umo. Lesa na Kristu baba umo. “Bulya bushiku, imwe mukeshiba ukuti Ine naba muli Taata, na Taata aba muli Ine; Ine muli imwe naimwe muli Ine.” Kuli Lesa uwaisokolola mu mubili wa buntunse, ukuilangisha Umwine eka uwamweo, panuma ya makana yabili. Ico e Cishibilo.

¹²² Nga cakuti tauli ifyo, ingileni mukwangufyanya, bacibusu. Cena kuti caba inshita ukupwililika. Tatwishibe.

¹²³ Langisheni Ukubapo Kwakwe, Icipangano Cipyu, u Mulopa. Kabili Uli no mweo nomba, uleilangisha. Pantu Ena ali, ifwe natukwata insambu kufyo Atushitile. Umuntu uwakwata ulubatisho lwa Mupashi wa Mushilo, nangu namayo uwakwata ulubatisho lwa Mupashi wa Mushilo, alikwata insambu kufintu fyonse ifyo Yesu atushile, pantu eshakulangisha ico twakwata. Ayo emaka yakushitilapo.

¹²⁴ Tulande mu cakumwenako, “Ukuba, Munyina Branham, cinshi ico wapilibula?”

¹²⁵ Pano, neilondolole nomba, kabili Nde fwaya imwe mwebalwele mumfwe ici. Lolesheni, nga Ndi nensala iyakuntwala ku mfwa, kabili Nalishiba umukate, ntile, ushitikwa pa lupiya ulukalamba, kabili kwaisa munyina nokutula, “Ulupiya ulu Munyina Branham. Iwe walafwa kunsala; senda ulu ulupiya.” Nomba, namwishiba, kuti Naba uwansansa nolupiya lulya muminwe nga fintu Ni ngaba nensansa no mukate mu minwe yandi, pantu Ninkwata ulupiya lwakushitamo. Ninkwata icishibilo shakushitamo umukate. Kabili palya pene epo uli umukate; ne cintufye cimo, Ninjikata icishibilo, ulupiya ulushita umukate, Ine kuti naba uwansansa ne cishibilo nga fintu Ni ngaba nomukate.

¹²⁶ Nomba, nga naukwata ulubatisho lwa Mupashi wa Mushilo, ico e Cishibilo ico iwe ukwete icakuti naukwata i cintu ca bulubulo ico Yesu afwilile po, conse cobe, cena cili mu maboko yobe. Bushe uuli no mwenso uwakulanda ukuti cobe?

¹²⁷ Nga Nacibika mwi tumba lyandi, no kutiila, “Ukuba, Ine nshishibe nga cakuti Ine kuti nashita umukate nangu iyo,” Ine kuti nafwa. Lelo ibukisheni, uwa makwebo atiile, “Ine ninkwata icintu cimo icilefwaikwa, Mista Branham. Ama centi amakumi yabili-na yasano, iwe kuti washita umukate uutuntulu.” Ninkwata ulo! Ameni. Ico capwisha ubo bwafya.

¹²⁸ Uyo e mulandu tatumwena ifintu ifingi ukucitwa ileelo, Icishibilo tacilangishiwa, Icishibilo icacishinka. Oh, tulakwata ifyapusana pusana ifyabufi, lelo Ndepilibula Icishibilo icacishinka.

¹²⁹ Moneni, nomba nga twakutuluka nokulangisha Icishibilo, u Mweo casendele pa Cishibilo, u Mulopa ulatulandilako. Ibukisheni, u Mulopa wa cipangano waishibikilwe ne Cishibilo, kabili i Cebo cilatweba pa bulayo. Icishibilo e cakwishibilako ukutila balitushitilako.

¹³⁰ Nomba, nga cakuti tawapendelwako kulico, ifyo fine, tawakasende nangu cimo. uleendafye mu mulongo wa bantu bakupepelwako, wafumamo; waya pamulu pa cipailo, nokulolesha pamulu, nokubwekelamo ukufumapo.

¹³¹ Lelo, oh, munyina, lintu ico Icishibilo cabikwa mu obe—obe—umutima, kabili waishiba ukuti kubuka kwa kwa Yesu Kristu muli iwe, pali cimo icilecitika. Takuli nangu cimo icili nokukupilibula. Nawishiba apo waba. Ukubeela mukupwililika i Cebo cakwa Lesa conse cili nokukupela insambu ku Cishibilo, te cimbi iyo. “Alipalwa uyo uucita Amafunde Yakwe yonse, kuti ena akwata insambu ku Cimuti ca Mweo.”

¹³² Nomba, lintu tulepepa, tufwile ukukwata Icishibilo icakulangisha pamo na mapepo yesu. Nomba wifilwa ukukwata ico. Lintu ulepepa, ufwile ukukwata Icishibilo icakutambika pa mapepo yobe; nga cakuti tauli muli uyo musango, konkanyapo ukupepa mpaka Icishibilo cise, pantu tawalaiwa ukucipokelela. Mwamona, ufwile ukukwata ici Icishibilo pakubala; uyo emutongo wakulipila, Icicetekelo cobe icakusumina ico.

¹³³ Nomba, icakumwenako ukupama ukutuntulu. Umwenso nauya. Paulo atweba ukutila, “U Mulopa ulalanda ifintu ifyawamako.”

Watila, “U Mulopa ulalanda?” Ee, u Mulopa ulalanda.

¹³⁴ Mu Kutendeka 4:10, twasanga ukutila Lesa alandile ukuti—ukuti uwa kwa Kaini...nangu “Umulopa wakwa Abele walilandile ukufuma mu mushili.” Twasanga ukutila muba Hebere 12, ukuti, “U Mulopa wacipangano cakwa Kristu ulalanda ifintu ifya wamako ukucila uwakwa Abele.” Mwamona? Twasanga ukutila, u Mulopa ulalanda, Ulakulandilako. U Mweo uwaba muli iwe ulanda ukufuma ku Mulopa wasumine. Ameni. Oh, munyina! Kuti nakabila bonse bacimona ico. Mwamona? Nga kuti mwamona fintu caba, Mweo uyo waba muli imwe. Mwamona, iwe noyo u Mulopa muleishibikilwa pamo Naco. Cena Cishibilo. U...Fintu cena caba, u Mulopa wasumine palwa iwe; naucipokelela, kabili no Mweo nawingila muli iwe. Walikwata Icishibilo, ico Mupashi wa Mushilo.

¹³⁵ Nomba lintu twapepa, tufwile ukukwata Icishibilo cakulangisha pamo namapepo yesu, nga fintu Nacilanda, kabili

nomba tucetekele fwebene nokubika Icishibilo ku lupwa lonse, kwati nifilya cali mu Egypto, mu Yeliko, nangu mu Milimo yaba tumwa 16:31. Twasanga ukuti Paulo aebele umushilika wa bena Roma, atile, “Cetekela, kabili naba ng’anda yobe bali nokupusuka.” Ubike Wena pa lupwa lobe. Nga cakuti walikwata umwana uushacetekela, lambalika Icishibilo pali ena, tila, “Shikulu, Lesa, Namupoka.” Ikala apo pene. Nga walikwata banoko nangu umutemwikwa uwaluba, lambalika ico Ishibilo pali bena, tila, “Shikulu Lesa, Napoka ici.”

¹³⁶ Fumyamo, ifiko fya mwisonde fyonse, ipekanye palwa Ico. Oca utuputula tobe. Posa injuka shobe. Posa fwaka yobe. Posa ukukana cetekela nama pepala yaku chalichi mung’ungulu, muntu yafwile ukusangwa. Amen. Nomba ninshi uleipekanya. Nomba walacita shani? Nomba bikapo Icishibilo mwipepo, necakulangisha icacishinka, icicetekelo icacishinka. Cibikepo Cena, cibikepo Cena nokupama. Nga wabikapo Icishibilo, ishiba ukuti wasambwa. “Nge mitima yesu tailituseka, ninshi natupokelela fintu twipwishepo.”

¹³⁷ Nga cakuti imwe mwebantu mulecita ifintu ifishilungeme, muli nokwipusha shani Lesa ukumicitila icili conse nga cakuti namwishiba ukuti namulufyanya? Emulandu wine tualantantila ukuya noku talantanta ukubwela. Nshilelanda ici mukumikalifya. Ndelanda ici muku mipindulula, mukubika ifintu bwino. Muli nokucikula shani pamito yaku Sodomu na Gomorrah? Bweleni!

¹³⁸ Utubungwe naba kapyunga balileka abantu ukucita icili conse, nokubaleka, nokubikafye amashina yabo mwi buuku nokulabete *ici, ico*, na cilya *cimbi*, lintu cintu cansoni. Kabili caliba ifyo fine ico icicetekelo cintu cimo icishaba... tacaishibikwa bwino nga cinshi. Bena, balikwata isubilo, lelo tabakwata icicetekelo.

¹³⁹ Ufwile wabwela, ku, fyonse fifwile fyafumishiwa nokuba ifyabusaka. Nga wasenda Icishibilo, nokwishiba ukuti ni Yesu Kristu muli iwe, nomba ucibikepo Cena. Nga cakuti icintu tacicitike, pali cimo icilubene; bwekelamo, ninshi naukwata icalubana muminwe yobe. Alilaile ico. E Umo uwalaile ico. Cibikepo Cena. Belengeni Abena Efeso 2:12, panshita imo, nga cakuti mulefwaya, kabili muli nokusanga palya.

¹⁴⁰ Moneni mu ba Hebere 9:11, pamo. Paulo atile, “Ukubombela Lesa nefipope fya mweco.” Tekulandafye ukuti Ine nkaya nga fintu aba Hebere balecita, nkasenda ilambo, nokwisa pa musebo, ne ng’ombe iyaina, nokubikapo amaboko yakwe pali yena no kwishibikwa umwine, kabili ukusumya umulopa, nokuba uwalungamikwa. Yehovah efintu alefwaya. Alicitile ico. Nomba inkulo ilekonkapo, limbi bena kuti baba abatalalilako; umuntu umbi, aba uwatalalilako. Icintu icakubalilapo ico waishiba, caba lutambi lwa palupwa.

¹⁴¹ Ifyo eflyo pentecosti yaisa sanguka kuli ifwe, intambi shapa lupwa. Tulalanda, twatila, “Bushe yalya amangalo yapa citunshi tunshi tayaciwama nganshi ileelo munshita ya bushiku? Bushe finshi bacicita ku chalichi kulya? Shikulu Yesu, posheni. . .” Oh, uluse! Mwamona? Caba lutambi lwapa-. . . “Na mwishiba, Nalilanda mundimi bulya bushiku. Ndi *wauku*, nangu *kulya*, namwishiba. Uh-huh.” Oh, lutambi lwapa lupwa!

¹⁴² Bushe mwalishiba fintu Lesa alandile? Lesa atile, “Ifyaina fyenu naba sukusuku benu balenunka mu myona yandi. Ico nacilungama, amalambo yenu yasangwike ifya nunka.”

¹⁴³ Kabii efyaba namalambo yaba Pentecosti, kabili nefilonganino, ifya-putulwa no kutwalililiapo-fye, banamayo besu nabaume ukucita mumusango umntu bacitilamo, mumibele iyabulesa; ukubomba nokwimba, kabili naumo ukutoloka pamulu-na-panshi pakashita akanono; kabili capwa, kwati betilepo imbeketi ya menshi, nge Cebo cakwa Lesa caisa nokulandapo icintu cimo. Bushe nifinshi? Amalambo yenu nayatampa ukununka ku cinso cakwa Yehovah.

¹⁴⁴ Kabili eflyo cali panshita intu Esaya aishilebapo, nokubeba ukuti, “Nkamipela icishibilo icamuyayaya, nacicungu akemita.” Mwamona, eifyo. Temibele yafwa namasambilisho yabantu, iyo; mafunde ya mweo, Lesa uwamweo uwabushiwe ku bafwa, kabili aleikala pamo nefwe.

¹⁴⁵ Bamo pali bena, ama chalichi yaba ngeflyo, abacetekela ifi fintu, balakana ukuti kwaliba icintu icaba nge Cishibilo. Ukuba, umwaume umo aeeshe ukunjeba ukuti, “Basambifye ikumi limo nabaili ebapokelele u Mupashi wa Mushilo. Ewalikofye epela. Ee.” Oh!

¹⁴⁶ Lelo ifwe fwebacetekela i Cebo, twaishiba fimbi, ifwe twalishiba ukuti ici Kubapo ukwa mweo. Pantu twishiba shani ukuti Kubapo ukwa mweo kwakwa Kristu, u Mupashi uuli pakati kesu? Upangafwe cimo cine nga fintu Ena apangile. Ico e cishininkisho caico. Umwangashi bawishibila pacisabo utwala. Kabili nombamba nga ulya umwanganshi wakubalilapo waishile balembela i Buuku ya Milimo yabatumba kunuma wauko, kabili cimo cine cintu Yesu acitile, abatumba bacitile; kabili nga waisaima umwangashi nakabili, ucita icintu cimo cine. Mwamona, aba Hebere 13:8 yatila Ena aba cimo cine, oh owe, cishininkisha ukuti Lesa amubushishe Ena pamulandu wesu, ukulingana ne Cebo Cakwe icalaiwe. [Tapali amashiwi pali tepu—Kale.]

¹⁴⁷ Icikakatikilo cabulayo! Abena Efeso 4:30 yatile, “Mwi kalifya Mupashi wa Mushilo uwakwa Lesa, uyo untu mwakakatikilwa mpaka ubushiku bwa bulubushi.” Tekufika pa kupuputulwa ukukesa. “Mpaka pa bushiku bwa bulubushi!” Ukubatishiwa muli Wena, ukulingana na Bena Kolinto Wacimo 12. Kabili muli Wena emwaba umwisulo, kabili ulubembu

talwakasangwemo muli Ena. “Uyo wafyalwa kuli Lesa, tacita ulubembu. Ulubuto lwakwa Lesa lwikalilila muli ena, kabili teti acite ulubembu.” Bushe kuti acita shani ico, lintu Icishibilo epo cili? Icishibilo ecakumwenako ukuti napokelelwa.

¹⁴⁸ Kabili, ukuba, watila, “Nda bembuka.” Ukuba, ninshi iwe tawakwetepo Icishibilo. Mwamona?

¹⁴⁹ Icishibilo ecakucinga, cilangilila ukuti umutengo walilipilwa. Nga Satana aesha ukucipela kuli iwe... Tontonkanyafye pali ici. Nga Satana aesha ukukupela ubulwele, nangu aesha ukukupela icintu cimo, walishiba ifya kucita? Mulange Icishibilo cobe. Cine cine, ubulwele nga bwapola umwina Kristu. Mulangishe Icishibilo cobe, kabili nokushininkisha kuli ena ukuti uli cipe cashitwa icakwa Lesa. “Kana ciwa, kabili ali nokubutuka ukufuma kuli iwe.” Ikata Icishibilo pamulu wacicetekelo icishisela mu Cebo Cakwe ica laiwa.

¹⁵⁰ Lesa panshita imo alipele icakumwenako umukolamfula ukuba icishibilo. Nalaisala. Apele icakumwenako umukolamfula ukuba icishibilo. Nkwetefye ba miniti ikumi limo, kabili balekwata umulongo wabakupepelelwako. Ena alifye uwacishinka kuli cilya icishibilo. Bushe Alicitile ico? [Ulukuta lwatila, “Ameni.”—Kale.] Ala citeco neliline. Yonse imyaka amakana, Tatala nangu muku umo, inshita imo, afilwa ukucilangisha. Aali uwacishinka kuli cilya icishibilo, ukutulangisha ukuti Ena... kabili takatale filwa ukucindika ifishibilo Fyakwe. Nshi lesakamana nga cakuti ni... .

¹⁵¹ Nga cakuti Yesu teshile mummyaka amakana ikumi limo, imwe namukwata Icishibilo, Afwile acicindika Cena. Temulandu pa fintu ificinja, nafimbipo, Afwile ukucindika cilya Icishibilo. Atile Akacita ifyo. Cisuma. Alesubila ifwe nomba ukucilangisha Icishibilo Cakwe, pamulu wa cicetekelo-capelwa na Lesa, kuli lyonse ibumba lyaba shacetekela muno mu calo, abacetekela ukuti ifilangililo ne fisungusho tafikonka abacetekela. Kabili ukuba uwacishinka kuli ici Icishibilo, kabili Cena cilanga ukutia ulupiya lwakuninina lwalilipilwa no kupokelela pabututubuko, pakukwata Icishibilo u Mweo mukati kesu.

¹⁵² Iyi ni Mbila iiputaula, lelo cena Cishinka. Ico eco tulekabila, Cishinka. Lesa atwafwe ukwishiba Icishinka. “Mukeshiba Icishinka, kabili Icishinka cikamipanga ukuba abantungwa.” Nasosa ukuti Yesu Kristu aba cimo cine mailo, ileelo, no muyayaya. Nalicetekela ukuti Lesa apela Mupashi wa Mushilo nge Cishibilo, nomba line, cibe ukufuma takulacitika, ukwa—ukwa kwa Nabwinga ukufuma mu chalichi.

¹⁵³ Ndecetekela kwaliba ifyafula ifya buwelewele, kabili nabantu baletila balepunda, balelanda mundimi. Nalicetekela

muli ifyo fintu; lelo teti ucetekele pali ico. Bushe kuti wacetekela shani pali ico, kabili ukukana i Cebo? Mwamona?

¹⁵⁴ Icishibilo e Cebo icalangishiwa muli iwe, cilekala Icine. Uko e Lesa ukuba kelula Wakwe Umwine. Taufwile ukulanda ukuti, “Ukuba, nomba, iwe ilula ululimi lwandu.” Ifyo tefyo caba. Elula umweo obe ne Cebo. Nga Asenda icebo cobe, fintu waba, kabili Alangisha i Cebo Cakwe ukupitila mulya, takufwile kwaba ukwilula, ekokuli kale. Lesa alelula Umwine Eka, kabili twalikwata ubu ubulayo ubwa bushiku.

¹⁵⁵ Oh, Dallas, mwebasuma mwebumba Iya bena Kristu, mwilasendwa nefifintu ileelo, fintu mumona filecitika, pantu fili nokonaulwa. Teyeni ico Icishibilo lyonse, langisheni ico Icishibilo. Belengeni Baibele. Iseni ku fintu fyonse. Kabili umupashi muli imwe nga tauleankula ukutila “ameni” kuli Ico, ninshi mufwile mwa bwekelamo, ukucinja ico cintu mukwete, nokusenda Icishibilo; tamu Cikwete.

¹⁵⁶ Ninjishiba ukuti ninanda ifintu ifingi ukufilanda mu cungulo cimo. Kabili nomba yaba ba miniti sate-ukucila folo koloko. Inshita yakumana nomba, kabili nga kuti twafuma pa faifi koloko no mulongo waba kupelelwa.

¹⁵⁷ Bushe namucetekela ukuti Yesu Kristu aleikala nokuteeka ileelo? [Ulukuta lwatila, “Ameni.”—Kale.] Bushe namucetekela ukuti cintu Myebele Cishinka? [“Ameni.”] Cena Cishibilo, icifwaikwa. Nandafye ico icaba Icishinka. Nandafye fintu Mona, fintu Ng’umfwa, ifisokololwa kuli ine. Kabili eflyo Nalandila ici; pamiku amakana amakumi imiku, tapaba inshita imo lintu cafilikwa ukukana ba icishinka. Nomba ico cifwile ukuba ni Lesa. Ico cifwile ukuba ni Lesa. Ukuba, bushe Lesa kuti apela ubupyungishi bwaba ngefyo ku muntu uushishibe fintu alelandapo? [“Iyo.”] Bushe kuti Ailangisha Umwine eka nga kacefya kulya, kabili apilibuka nokumupela i Cebo casakanishiwa? [“Iyo.”] Umulumendo uyo ulekanako kuli Ico, wasakanishiwa. Kabili Lesa taba uwa sakanishiwa. Lesa ni kelula Wakwe Umwine.

¹⁵⁸ Pokeleleni Icishibilo! Mwitusha pakuikumako ama chalichi nangu ifintu fimo, nangu ifintu fyonse. Sendeni Icishibilo! Cikateni Cena. Ecintufye cimo cintu Lesa ali nokwishiba. Nga mwaisa fika kuli iyo ora, nga cafika kumfwa yobe, ufwile waifimba cilya Icishibilo; mukwishiba ukuti mubushiku bwa kwisa Kwakwe, muli kulya kubuka, kuti Nalangisha cilya Cishibilo. Tacakabe muli uyu mubili, wena walibola; lelo muli uyu Mupashi, uyo ushingafwa, wena Mweo wa Muyayaya, Icishibilo citusha mulya. Kabili Ali laile ukuti, “Nka mubusha nakabili pbushiku bwakulekelesha.”

¹⁵⁹ Ulya wine Yesu Kristu ali pano. Ena ni Nkombe. Epo ali . . . Pano epali i Mbila, kabili Ena e Nkombe pano ukwishiba i Mbila Yakwe. Ine nshili Nkombe. Ena e Nkombe, kabili *Iyi* e

Mbila. Kabili nga naukwata umupashi uulekanako kuli *Ico*, kuti caba shani Nkombe ya Mbila? Cishibilofye ecili noku Cishiba Cena. Ameni.

¹⁶⁰ Naumfwa ukuba uwa bukapepa. Mucine efyo naumfwa. Ndeumfwa kwati kuli Napupuka ukufumapo nomba line, pantu Nalishiba Uyo untu Nacetekela, kabili Nalimona ukuti umweo wandi waishibikilwa na Ena mukubuka Kwakwe. Ukubapo Kwakwe epokuli. Cipokeleleni Cena, ba cibusa, mukwai citeni ico cine, panshi ya mitima yenu.

¹⁶¹ Ninjishiba bonse tulesa pamulu pa cipailo nokupepea. Ilyo litontokanyo lyaku Methodisti. Bena tabalecita ico mu Baibele. Baibele yatile, “Abatishiwe bonse.” Ico naclungama. Takwali icintu icapala ukwitia abantu ku cipailo mu Baibele. Ico cintu cimo ico twalundileko, ico cabafye bwino. Conse cintu Lesa apaala, cilifye bwino.

¹⁶² Nga fintu basuba insalu. Takwalipo icaifyo muli Baibele. “Bafumishe pamubili wakwa Paulo ututambala nefyakuikupa.”

¹⁶³ Lelo nangu cibefyo mulefwaya ukucita ico, cilifye icalungama, pafipuna fyenu, pa cipailo, konse kuntu muli. Icintufye cimo, bikenipo Ico, Icishibilo kuli imwe. Nomba ilolesheni mwebene, kabili moneni umusango wa mikalile ilecitika, mumone nga cakuti Calibikwapo nangu iyo. Nga ta Cabikwapo, ninshi mulambalike fyonse fintu mwakwata, pambali, mpaka Ishishibilo cabikwapo.

¹⁶⁴ Natupepe. Lesa wamu Myuulu, limbi Na—Na—Na cilanda mukwangufyanya, lelo, Shikulu, bushe umusomali uli nokwikata shani kano mwaupopa? Napepa, Taata, ukuti uli nokupopwa mumitima ya bantu, ukuti benga mona ukuti tecintu cakwelenganya. Temukutula Ndefwaya ukumonapo akabungwe, umukowa umo ibumba ilyacetekela ifyaibela limo, nangu nemwine, nangu umubtu umbi. Ni Yesu Kristu. “Nkaposa uto utubungwe pamo,” twaba mutanda utwa baikumi limo na cine konse konse uto tumbi, ukulingana ne Cebo Cenu. “Nyina umukote cilende,” mu Baibele Ukusokolola 17, “ali nyina wa cila umo waba cilende.” Kabili teti babe mwaume. Bali maule, kabili bonse baile mubusanshi wa mibele ye sonde. Kabili twalimona ukuti ici calicitika, ba Pentecosti nabonse.

¹⁶⁵ Lelo, Yesu, Imwe mwabafye Yesu. Mwileka bena bomfwe ku mbila ya chalichi; lelo ku Mbila yakwa Kristu, i Cebo. Leken i Mulangishe Mwebene, Shikulu, ilelo, nabacetekela. Posheni bonse abalwele. Tweleleni imembu, Shikulu. Na—Na pepa, pamo ngo mubomfi Wenu, napapata eleleni imembu shandi, kabili eleleni imembu sha aba bantu. Nincetekela, Shikulu. Cila muntu pali aba tecakutwishika naafwilisha ku fyabupe, ukulipila ku—ku fikulwa, kabili baliposa ulupiya, kabili bai—bali—bali cita ifintu fyonse, Shikulu. O mwe Lesa, Napepa ukuti kwiba nangu umo uwakucipanya ici, Shikulu. Leken onse umuntu.

166 Na—Na ciciteci na bucishinka, kabili, libe, Shikulu, mufwile mwaba uwakukana sukana. Twalishiba, ukulungika kutemwa. Ukutemwa kulalungika. Kabili Napepa. Uyo emulandu Mwalunagmikile abantu Abenu, ni mukutula Mwali batemenwe, kabililonse uubembo lufwile ukwasukilapo.

167 Kabili, Taata, Napepa ukuti Muli nokwelela imembu shesu nomba, lintu tuleyebelela. Twalipulumpunta ukuya ukutali, Shikulu. Ine ndi uwaishibikwa naba abantu ba Pentecosti, Shikulu. Ndi—Ndi umo pali bena. Kabili Na—Na pepa, mwe Lesa, ukuti Muli nokutwelela bonse. Kabili sendeni shimo intungulushi nokushipilibula, kabili—kabili lekeni baloleshe kuli Kalbale kulya umuku umo, kabili nomba bali nokulaba fintu bena bafwile ukuba, ba shimapepo wa citungu nangu ba bishopo, nangu fyonse fintu benbaba, kabili nokwishiba ukuti takwaba umukulu muli bunu Ubufumu. Bonse tuli bana bakwa Lesa. Napepa ukuti Muli nokutwafwa nomba. Ishibikweni Mwebene pali ifwe, ileelo. Twalomba ici mwi Shina lyakwa Yesu Kristu. Amen.

168 Nomba lintu tatulapanga umulongo wakupepelela, kuti kwabako umo uushatala isako kuno. Nshikwishibe, lelo Lesa nakwishiba. Nga cakuti Na ndile Icine, lekeni Lesa eshibikwe naco, nga cakuti ca Cishinka nangu iyo, ico cishininkisho. Nga Alibukile ku bafwa, Ena aba cimo cine malio, ileelo, no muyayaya. Alandile muli Yohane 14:12 ukutula, “Uyo uwacetekela muli Ine, imilimo Ncita nao akacita pamo.” Bushe ico nacilungama?

169 Umo umuntu atile, “Ukucilapo imwe mukacita.” Ico nacilungama. Atile, “Ukuba, tulashimikila i Mbila, ico cacilapo.”

170 Citenifye ifintu Acitile, ico cileshininkisha kuli ine, mwamona, nomba twalalanda pa cikalamba cicililepo. Ine kuti namilanga ifintu ifikalamba fintu Acita nomba ukucila pafyo Acitile ninshi Aali pe sonde, kabili ico tekushimikilafye i Mbila nsuma, yeka; fishibilo nefisungusho. Te nshita yaico. Cetekelafye. Kabili lekeni Lesa waku Muulu, Uwaimishe Yesu Kristu ku bafwa, kabili ali Mulangisha uwa mweo, kuli ifwe, panuma yamyaka amakana yabili, alangisha iyi Mbila, ukuti Intu yalungama. Icishibilo cifwilwe ukubikwapo.

171 Nomba, imwe mwebakwete amalwele nefyakumicusha, pepeni, muli bucishinka landeni ukuti, “Shikulu Nincetekela ukuti Muli ‘Shimapepo Mukalamba uwingekatwa nefyakumfwa ifyakutucululusha.’ Kabili natwebwa kuli uyu kapyunga pano, ukutula Muli naifwe pano, ukubapo, nomba Ndefwaya Imwe mubepo pano naifwe nokuilangisha Mwebene.” Nomba pepeni, bonse cila muntu.

172 Nomba cili kuli Lesa ukulandapo cimo. Wenshita we! Oh owe! Ndekabila ukuti mwingeshiba icintu cimo, fintu mumfwa nga Wena waisa, icalo conse ciba icobe. Ameni. Takuli ciwa uwingacitapo icintu, alicimfiwa. Shikulu wandi epo ali. Cili mumaboko yesu. Ameni.

Mukwai mube tondolo. Mwilaenda. Ikaleni shilili.

173 Imwe mufipuna fyakusunka, na fimbi, mwitontonkanya ukuti tamukwete abakumitula. Cetekeleni. Imwe—imwe, mwalipita mu milongo yakupepelelwa, kabili califikilwa nokufilikwa. Te kapyunga uwamipepeleko, uwafililwe. Cidetekelo cenu, kabili mwatampile ukutontonkanya ukuti teti mucite nangu cimo. Imwe cetekeleni.

174 Pano, pali u Lubuuto pano, pamulu wakwa namayo wafita uwikele panuma apa, naiminina namaboko yakwe pamulu *ngafi*. Ee. Wacilapepa. Ee. Ulencetekela ukuba kasesema Wakwe, nangu umubomfi Wakwe? Nshifwile ukulanda ico, pantu cilapunwisha abantu nganshi. Walikwata iisuma . . .

175 Pali umwaume umusungu, namayo uwafita, nga fintu caali kuli Shikulu wesu na namayo pacishima, imitundu ibili. Abalengele ukwishiba ukuti takwaba ubupusano pamitundu yabantu. Amalangi yesu tayakwata ifya kucita naco. Ifwe bonse tuli. . . Kuti twaipela umulopa. Lesa apangile, ku mulopa onse ifyalo fyonse.

176 Ulekwata ukukalipwa kwa mutwe, umutwe ulekalipa bubi bubi. Nomba naukwatera icisendo kumutima obe, ico cili pa mwana obe. Kabili iwe. . . Cena kutitikishiwa. [Nkashi atila, “Ameni.”—Kale.] Efyo cili bwino bwinofye. Bushe ico cishinka? [“Ameni.”] Ico nacilungama.

177 Uyu namayo ekele ukucila pali iwe apo, alemoneka ukuba uwaishibana naiwe, abo niba noko. [Nkashi atila, “Ameni.”—Kale.] Ico nacilungama. [“Lesa alumbaniwe!”] Kabili ena nakwata icintu icilubene nankwe.

178 Bushe naucetekela ine, namayo? [Nyina atila, “Ameni.”—Kale.] Bushe ulecita ico? Ubwafya bobo kukalipwa mumbali. Ico nacilungama. Cena nikulubali kwakukulyo. Bushe ico nacilungama? Imyako ukuboko kobe, nga cakuti ico nacilungama. Kabili tacili nokulakusakamika nakabili. Bushe iwe naucetekela (nga) Lesa kuti anjeba uyo iwe waba? Misisi Lowell. [“Ameni.”] Nacilungama. [“Ameni.”] Cisuma, bwelela munshila yobe, Shikulu Yesu naasuka ica mwipepo lyobe.

179 Apo pene pampela ya apo pali umbi namayo umunono uwafita naikala, alemoneka, ukuti—ukuti ali uwaputaulwa mutupimfya. Alelolesha ukulungatana bwino naine. Ena nacetekela ici. Ukuti, tamulemona ico Cintu pambalifye yakwe? Nakwata ubwafya bwamfyo. Ico nacilungama. Cena nacipwa nomba; Nakundapa. Ameni.

180 Mulandunshi imwe tamulecetekela? “Nga cakuti mwacetekela, ifintu fyonse kuti fyacitwa.” Namucetekela ico? [Ulukuta lwatila, “Ameni.”—Kale.] Pano pali...Lolesheni abantu bafita! Nikwisa mubikile icicetekelo, mwe bacibusa bandi ababuta?

181 Pano pali namayo uwafita uwikele pano pene, atontele amenso pali ine, namayo uwainako. Nakwata ubwafya nekufi lyakwe. Nakwata nobwafya pamo, nakwata ubwafya bwa mutima. Ee. Kabili nakwata amaka ukupwa, ukumyemsha ne fintu fyaba ngefyo, maka maka lintu uleesha ukulambalalako, ukwesha ukupwisha ubukali. Mwamona? Ico cacitike mailo munshita yabushiku. Ibukisha, Nshile belenga amano yobe, lelo Ninjishiba fintu wapepelepo. Wacilafwaya bakwite pali ici, ileelo, kabili Ena nakupela ubwasuko. Nomba ulefilwa nokwiminina, pantu walikwata amolu ukufimba. Ico nacilungama. Kabili nomba, icintu cimbi, naukwata ubwafya bwa mumala, ico muli icilemena mumala mukati. Ico cacine. Nomba bushe naucetekela ukuba kasesema Wakwe? Nalacilanda, nangu cibe ifyo. Cetekela, kabili walapola.

182 Nga palwa bwafya bwamumala *yobe*? Bushe naucetekela ukuti Lesa alaposha ubwafya bwamumala, apo wikele, pamo? Bushe naucetekela ico? Cisuma, nomba kuti wapokelea ubundapishi bwamumala. Ameni.

183 Ulefwaya ukuleka ukupeepa fwaka, opa, namayo? Bushe naucetekela Lesa kuti akulenga ukuleka ukupeepa? Walyesha panshita ntali. Walikwata ubwafya wamumala, pamo; walyesha ukuleka ukupeepa fwaka. Ico ecilepanga ubwafya mumala. Bushe kuti wa ileka? Na ikana yena ifume pali iwe, mwi Shina lyakwa Yesu Kristu, pamulandu wa cicietekelo cobe ukumukumya Ena.

Nabecanya naiwe ukucetekela Lesa!

184 Pano pali namayo umunono uwikele palya alepepelako... umutemwikwa mu cipatala, alefwa, nepwa londa. Cisuma. Ena ni nalume. Ico nacilungama. Iwe uli limbi... Iwe uli mukashi wakwa kapyunga. Naucetekela no mutima obe onse, ulya mwaume ali nokupola.

185 Nde becanya nobe ukucetekela Lesa! Cintunshi ico? Cakwishibilako, ukuti ni Yesu Kristu. Iwe watila, “Bushe Kristu ninani?”

186 Ena Cebo. “Mukutendeka kwali Cebo, i Cebo cali na Lesa. Kabili i Cebo capangilwe umubili nokwisa ikala pakati kesu.” “I Cebo calitwa ukucila ulupanga ulwatwa kubili-kubili, ni cikalingulula wamatontonkanyo kabili namapange ya mutima.” Bushe teti mumone ukuti i C ebo calisa pakati kesu muli shino nshiku shakushalikisha? Ni Mupashi wa Mushilo ukusenda i Cebo cakwa Lesa nokucilangisha pamo na Yesu Kristu, ico

ecili Icishibilo. Ameni. Bushe namucetekela? [Ulukuta Iwatila, “Ameni.”—Kale.]

¹⁸⁷ Nibanga bakwete ifitupa fyakupepelwapo? Leken i bonse kuli *ulu* lubali abakwete ifitupa fyakupepelwapo, beminine mumulongo *apa*. Imininenifye, bonse kuli ulu lubali, uko lubalifye muli ako kashila. Iyo, mukashilafye kali ku-kulyo, mukwai, apo pene. Mwebakwikalika abantu, iseni pa ncende yenu. Nomba aba nga bapwisha nabo, muleke bambi beminine, panuma nga bapwisha, ninshi nomba nikulubali lumbi. Nomba lekeni abantu bonse bapele umucinshi.

¹⁸⁸ U Mupashi wa Mushilo nausenda intanshi pali uno musonkano, kanshi ifilandilwe nokucitwa nafilanga ukushininkisha. Nibanga bacetekele ukuti Ali pano? Nibanga bacetekele ukuti ico e Cishibilo? Nibanga bacetekele ukuti ico e Cebo? [Ulukuta Iwatampa ukusangalala—Kale.] Lolesheni, nibanga beshibe ukuti i Buuku lyaba Hebere lyatile, ukuti, “I Cebo cakwa Lesa cilalingulula amatontonkanyo ya mutima?” Nibanga baishiba ico? Nibanga baishiba ukuti uyo emulandu Yesu alelingulwila amatontonkanyo ya mitima yabo, pantu Ena e Cebo? Nibanga bacetekela ico? Nibanga bacetekela ukuti ifyo efyali nabakasesema? Bena bali abo i Cebo shaishileko. Nomba i Cebo nga cabwekela kuli ifwe, ta Cacite cimo cine? Nomba kuti i Cebo icishiba i Cebo, cibe icalubana ukupitila mu Cebo? Oh, uluse! Peni umucinshi!

¹⁸⁹ Iwe, uyu namayo ekele pano, nakwata nacimbi icintu mu mutima wakwe, pamo. Nacilapilibukafye lintu ncikete. Teiwe Misisi Grant? Nsha cishiba ico. Lelo niwe Misisi Grant, pantu Na kumona nalyo. Naukwata imyumfwile ya mwenso nokusakamana efilekucusha. Walikwta umwana umwauwe uwakwata nacimbi...umulopa wakwe, kwati, uletona. Ndekubeca ukucetekela ici! Ameni. E Mukalamba wa mibele ilecitika. E Mukalamba wamfwa.

Natupepe.

¹⁹⁰ Shikulu Yesu, lintu Ukubapo Kwenu kutusubile, muno mucikulwa, kabili natwiluka ukuti ni Mupashi wa Mushilo, Napepa, Shikulu, ukuti Muposhe onse umuntu uwafwala utu ututambala.

¹⁹¹ Inshita imo, twalifundishia muli Baibele, ukuti abantu Benu, mulya mwinefye mukubomba, baletoloka Bemba Wakashika, kabili ubema aali munshila yabo, munshila yakuya ku calo cabulayo. Lesa aloleshe panshi ukupita mu Ntumba ya Mulilo, na menso yabukali, kabili nomumana walitinine, nokuselela kunuma, kabili Israeli alile ku calo cabulayo, mumutande wa ncito yabo.

¹⁹² O Shikulu Lesa, lekeni amenso Yenu yaloleshe ukupitila mu Mulopa wakwa Yesu Kristu, panshi muli ici Icishibilo pano ico twikete pamulu wa tutambala ileelo. Kabili lekeni

bonse abali nokutufwala, lekeni ubulwele bukatine, lekeni mukasele kunuma nokuleka abantu Benu bakapite ukuya ku bumi ubusuma. “Ipepo lya ba cetekela likapususha abalwele.” Mwi Shina lyakwa Yesu Kristu, lekeni ico cibe ifyo fine. Amen.

¹⁹³ Nibanga bakashimikila abaku Methodisti bacetekela muno, bakashimikila baku Baptisti, bakashimikila baku Presbyterian, Bakashimikila baku Baptisti, ku Lutherani, nangu ku Pentecosti? Nibanga bacetekela Ici ukuba Cishinka? Iseni apa nokwiminina pambali yandi lintu tulepepelela abalwele nomba. Iseni pano, bonse imwe bakashimikila abacetekela.

¹⁹⁴ Bushe cili icalungama, teifyo? Munyina Grant, ico cili icalungama? [Munyina Grant atile, “Mucine.”—Kale.] Uh-huh.

¹⁹⁵ Iseni kuno pano, munyina. Munyina Grant alikwata ubupyungishi ubwa kupepelela abalwele. Umwaume wabulamba, umwaume umusuma, umwaume untu Lesa omfwa no kukwata ubwasuko ku mapepo, Munyina Grant. Nintemwa ukubika pakumukumbata ileelo no kalanda ifyo, na munyinanane. Nomba alaba pano panshi alepepa naine.

¹⁹⁶ Nga mwaisa pita muli uyu mulongo, cilfye kwati muleisa mukupita pesamab lya musalaba. Mwebabwananyina, pangeni imilongo ibili apa, pano pene. Pangeni imilongo ibili;bambi pamulu pano bambi panshi apo.

¹⁹⁷ Munyina Roy Border, bushe uli kwi? Munyina Roy Borders, Nacitontonkanya ukuti epo ali pano. [Umuntu umo atila, “Alabwela nomba line.”—Kale.]

¹⁹⁸ Lolesheni pano, kuli ba kapyunga, citenico! Lolesheni kulya. Ico calenga ngumfwe bwino, mwebabwananyina. Bakapyunga bapa musalaba, abaume abo beminine beshibikwe ne Mbila. Ninshi inga citika?

¹⁹⁹ Nomba, lolesheni, mwicibika pali ba kapyunga nomba. Bena nabesa mukwishibikwa abene beka. Nga mwapita pano, ishibi-. . .ikateni Icishibilo pantanshi yenu tileni, “Shikulu Yesu, Nintumbula imembu shandi. Mukubwekeshapo, Na mumpela Mupashi wa Mushilo. Ndi cipe cashitwa. Ulubembu, amalwele nangu tapali icintu icinganjikata ukufumya kuno. Nde enda uwalungama.” Ikateni ico, oh, pantanshi yenu, no kupita pano, kabili Lesa alamiposha mwalaya mulesangalala ukufuma pano, abansansa, nokupola. Bushe namucetekela ico? [Ulukuta lwatila, “Ameni.”—Kale.]

²⁰⁰ Nomba cila muntu muno, lekeni tukontamike imitwe yesu, mwe babwananyina, lintu tuli pamo. Tatwishibe icili nokucitika. Ifwe tatwishibe. Tapali umulandu wa mulwele ukusha cino cikulwa cino cingulo. Ikateni ico Icishibilo mu mutima wenu, piteni pano pa mulongo wakupepelwako; uko ba kapyunga, aba pela imyeo yabo mu—mu kubomba, balaiminina pano, nokubikapo amaboko pali imwe lintu mulepita.

Mwatila, “Mulandunshi wacitila ico, Munyina Branham?”

²⁰¹ Nde fwaya imwe, bonse abantu, ukwisha ukutila . . . Teine mposha. Aba bantu nabakwata insamabu shakupepela abalwele pamo nga bonsefyey. Mukukana pita mumbali, Nincetekela Lesa ali nokwasuka amapepo yabo cibe Tala sauca ayandi. Ninaka namaka nayapwa, nafyonse ifintu. Ni—Ni nceletela ukuti Lesa alasuka amapepo yabo. Kabili abo beminine pakati kaico, ukuilangisha abene, ababula insoni sha kusenda incende shabo. Ndetotela abaume ababa ngefyo.

²⁰² Nomba mwe babwananyina, Ninjishiba ifyo muleumfwa. Ndi, Ndi umo pali imwe. Ndi umo uwapikwile isumbu lyandi naimwe, kuno ku Texas, ukwisha ukwikata cila limo pesabi lintu Lesa alashikila ku Mweo, kunge kulya. Nde esha ukubomba ukufika pantu ninga kwanisha. Ndi naimwe mukupwililika. Limo limo Nda mikalipila noku mipundila pa tubungwe nafimbi. Ico tacilepilibula ukuti Nda milwisha, munyinane. Ndosha mukutila ati Ndwisha imibombele iyo itupatulula ukutufumya pali bu munyina, pamulandu we sambilisho lya fyamipepele ifya cetekelwa fimo. Tuli ba munyina ukupitila mulubatiso lwa Mupashi wa Mushilo. Twaikata Icishibilo cimo cine. Twapokelele u Mulopa umo wine, eico natucetekele ico. Kuti twakumana Kulya (teti cibe fyofine?), mwe babwananyina, cila muntu bonse pesamba lya Mulopa.

²⁰³ Nomba, Na lashikwe Baptisti. Limbi niwe Methodisti, nangu Lutherani, nangu Presbyterian, Pentecosti, Oneness, Twones, Treenes, nangu onse untu wingaba, Church of God, conse cintu cingaba. Ico tacilepanga ubupusano. Ifwe teti tusuminishanye pa fintu fimo, natulabe palico nomba.

²⁰⁴ Icintu cimo twinga suminishanyapo, cakuti Yesu Kristu Umupusushi wesu afwilile pa membu shesu, abukile nakabili nokutupela Icishibilo. Natwiminina pano namapepo yesu, ukupepelako aba ba munyina nabankashi abalwele abalepita umu mumulongo. Nala cicetekela no mutima wandi onse.

²⁰⁵ Nimona icintu cimo cacitika nomba line. Ameni. Ninjishiba mulemona kwati Nalipena, lelo Ndeumfwa bwino ukwafulungana. Ndekabilafye Ine ukubelelela muli ino ine nshila. Ee, mukwai. Ningumfwa bwino fino fine ndi.

Natupepe.

²⁰⁶ Shikulu Yesu, Ndeenda ukufuma pano pacintamba, ukwisa pano panshi, ukwisa ishibikilwa pamo naba munyina. Nde ishibikilwa pamo nabo, lintu twaikata Ifishibilo fyesu mu maboko yesu, na mumitima yesu. Lintu tulebela ifipope Fyenu, “ukubika amaboko yesu pabalwele, kabili bali nokupola.” Lekeneni onse umuntu ulepita pano, alangishe Icishibilo cakwe, ukuti naba pokelela Mupashi wa Mushilo, ukuti bana bafyalwa cipya-cipya abakwa Lesa, ukuti balicetekela ici nomutima wabo onse. Kabili lintu balepita, lekeneni batipe ubo bulwele noku

lungulushiwa mu mibili yabo. Kabili lekeni bafume muno balesangalala, ukwishiba ukuti icicetekelo cabo nacibaposha.

²⁰⁷ Kabili, Shikulu Lesa, nga fintu twacibikapo, Icipangano Cakale, amaboko yesu pe lambo lyesu, twishibikwe pamo ne lambo lyesu, twabika amaboko yesu pali Yesu no kwishibikilwa pamo Nankwe. Abikile amaboko Yakwe pali ifwe nomba mubupyungishi, ukwishibikwa Umwine eka pamo naifwe, kufilangisho ne fisungusho. Kabili naifwe tulebika amaboko yesu pa balwele, ukwishibikilwa pamo nabo, ne cicetekelo cesu icalungatana nabo. Amalwele yafwile ukuya, kabili lekeni yaciteco mwi Shina lyakwa Yesu Kristu, lintu tuleenda panshi ukucipokelela.

Lekeni ulukuta lupepe.

²⁰⁸ Roy nangu umuntu umo ese pano nokwisa iminina pacakusoselamo, nokusunga umulongo uwaololoka.

²⁰⁹ Lolesheni, lintu mulepita pano nomba, mwise namucetekela, mwise mulepepa. Twala bikafye amaboko pabalwele. Iseni nokupita. Pepeni. Nga mwapita pamulongo uyu uwaba kapyunga; nga muleenda nenkonto, shibikeni nokwenda ukufumapo. Nga walikwete ipwa londa, ubulwele, tila, “Ba dokota balicita fyonse fintu benga cita, balicita fyonse fintu benga cita, kabili batile Nkafwa. Nshili nokufwa. Apa pali Icishibilo candi, Shikulu. Mwalindaya amakumi cine lubali. Ndeya ukupita apa pene, ndecicita.” Mwamona, citeni ico. Mwala citeco? [Ulukuta lwatila, “Ameni.”—Kale.] Mwi Shina lyakwa Yesu lekeni cibe ifyo. Ameni.

²¹⁰ Cisuma, lekeni umulongo upite. [Munyina Branham naba kapyunga bapepelako abalwele, lintu munyina atungulula ulukuta mukwimba *Cetekelafye* na shimbi inyimbo. Tapali nangu cimo pali tepu—Kale.]

Na cetekela!
Ukutwishika kwandi konse nakushikwa mu
Kafukauka.

²¹¹ Bushe namucetekela ici? [Ulukuta lwatila, “Ameni.”—Kale.] Ameni. Oh, bushe Ena tawama? [“Ameni.”] Bamo palibalya baciba pamasanshi namacila, bacimafye nokutampa ukwenda ukufumapo; nokuyasha yalambalele palya, nokwenda ukufumapo. Oh, ni bonse abenga poshiwa nomba, abalecetekela. Namucetekela? [“Ameni.”]

²¹² Tupeleni apakwimbila, *Nali Mutemwa*, citeni ico, nkashi; ulwimbo ulwakale, “Nali Mutemwa, Nali Mutemwa pantu. . .”? Lekeni bonse twimye fye amashiwi yesu namaboko yesu, imitima yesu, kuli Lesa, no kwimba, “Nali Mutemwa, Nali Mutemwa, pantu Ali ntemenwe.” Bonse nomba.

Nali Mutemwa, Nali Mutemwa
 Pantu Ali ntemenwe
 No kushite pusukilo lyandi
 Pa Kalb- . . .

²¹³ Na mayo, naima ukufuma pa mupando wakusunka, aleenda ukupita pano no bwafwilisho bwa baume babili. “Ine . . .” Natupupushe amaboko yesu kuli Lesa, “Nali Mutemwa!”

Nali Mutemwa
 Pantu Ali ntemenwe
 No kushite pusukilo lyandi
 Pa Kalbale . . .

Na tu Mulumbanye nomba, bonse!

²¹⁴ Ubukata kuli Lesa! Ifyo twa Mitotela, Shikulu Yesu, pa busuma Bwenu, Ukubapo Kwenu. Oh, twa Mitotela pa Cishibilo, Shikulu. Twalipusuka kabili ukwisuhiwa na Mupashi, Mupashi wa Mushilo alepitana mu mibili yesu nomba. Ifyo twa Mitotela pali ici, Taata! Oh, mwi Shina lyakwa Yesu twa Mitotela. Amen. Amen.

²¹⁵ Bonse poshanyeni amaboko, tileni, “Shikulu Alumbaniwe!” Poshanyeni cila muntu no munankwe, tileni, “Shikulu Alumbaniwe! Shikulu Alumbaniwe!” (. . .? . . .) Cisuma, nomba, bonse pamo nakabili.

Nali Mutema, (amaboko mumulu, imitima mu mulu) Na . . . (cilangishefye cena ukufuma mu mumutima obe)
 Pantu Ena ewambalile ukuntemwa (Bushe mwalatusalanganya?)
 Kabili anshitile ipusukilo lyandi
 Pa Kalbale.

²¹⁶ Nomba natukonteke imitwe yesu nomucinshi uwa cine, ilyo Ndelubula ukulongana kuli Munyina Grant ukuti atusalanganye; ukutotela cila umo pakati kenu. Mukubalilapo, ukutotela Shikulu pa busuma Bwakwe, pa luse Lwakwe, kabili nokushininkisha uko Nde subila ukuti natusha mu mitima yenu, ukuti ifwe tatuli fweka pano. Kapitao Mukulu umukalamba wesu ali pakati kesu. Ukubilikisha kwa Mfumu kuli munkambi. Kabili twatotela Shikulu, pakumona amaka Yakwe ayakalamba no luse Lwakwe ulukalamba. Kabili nomba natukontamike imitwe yesu no mucinshi. Munyina Grant.



ICISHIBILO BEM64-0308
(The Token)

Iyi Mbila na Munyina William Marrion Branham yaletelwe intendekelo mu Cingeleshi pa Mulungu mu cungulo, muli Kutumpu pa 8, 1964, pa Soul's Harbor Temple mu Dallas, ku Texas, U.S.A., yafumishiwa muli tape iyambulwa kabili nalilembwa ukwabulo ukulundamo mu Cingeleshi. Uku ukwilula kwa mu Cibemba kwa lembelwe no kupelwa na ba Voice Of God Recordings.

BEMBA

©2021 VGR, ALL RIGHTS RESERVED

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org

Icishibisho ukufuma ku mwine kalemba

Insambu shonse tashisuminishiwe. Ili buku kuti lya lembwa pali pulinta yapa ng'anda ku kubomfya kwa muntu pa lwakwe nangu ukupela, ukwabula amalipilo, nge cipe caku sabankanya Imbila nsuma iya kwa Yesu Kristu. Ili buku tekuti lishitishiwe, ukulembululwamo ayengi, ukubikwa pa mwela, ukusungila muli ba mashini, ukwalula mu ndimi shimbi, nangu ukuli bomfya ku kulomba indalama ukwabula insambu shalebwa na ba Voice Of God Recordings®.

Nga mulefwaya ukwishibilapo nafimbi nangu ukufwaya na fimbi ifyabapo, twalomba tumeni kuli ba:

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org